



✓
65687

天 津 特 別 市
市 立 第 二 圖 書 館
05987



天津特別市市立第二圖書館 29-6.1.0000

元祐黨人傳十卷余友陸存齋觀燈撰黨

碑凡三百九人宋史存傳者不及百人或

附見而不盡詳且辨謫身又或漏不立傳

皆遍搜羣籍考伍考證必允必備可為勲

矣存齋甫四十即賦歸去來開門著書十

餘年先後付梓不下數十種充其量甯止

等身已邪方蔡京用事時以一黨字錮棄

序

司馬諸賢其計甚巧夫人主深居九重與

外廷隔絕惟恐天下欺己羣天下之人而

有黨豈非所大恨然而黨奚負於國家而

人主仇視焉何哉夫天生君子亦生小人

小人趨利而避害其利也陰陽百試必羅

致於一身而不令人之攘之其害也雖蔡

攸之於其父有相軋而無相袒君子不然

明知天下之大斷難一手一足為之治廣
引才德之士聯聲氣共功名以通上下之
情以平遠近之是非設遇災手之勢不可
以嘗試而至公至正之氣不肖稍有所遷
就疾起而與之角而人主之心益疑夫從
古豈有踴之涼之君子哉不是之忍而不
人之言是聽是故宋祚之衰非衰於金人

序

二

之釁而衰於崇甯之黨禁不待杜鵑鳴於
洛陽識者已卜其不永矣厥後蔡京成於
潭州骨肉俱腐而黨碑光耀於無已果孰
得而孰失邪然則存齋此書不第闡諸賢
之幽抑亦宋以後之千秋金鑑也光緒己

丑冬十月楊峴拜序



元祐黨人傳凡例

一黨碑三百九人內宋史有專傳者凡七十八人附傳者三十四人節略史傳以省繁複

一宋史雖已附見而事蹟不詳者如趙彥若王汾吳安詩劉唐老范柔中韓治范正平蘇昞之類皆徧攷羣書補輯事迹

一如姚勗岑象求楊康國朱紱鄧忠臣秦希甫周綽楊環寶馬渭陳郭蘇嘉尹材商倚李深李新陳并周鏐黃隱呂希績皆卓然可傳而宋史不爲之立傳今爲攷補不厭求詳

凡例

一宋史王鞏傳僅載其從東坡游魍山事殊非史體今採輯羣籍爲之補傳

一鄭俠陳瓘史傳雖詳頗有舛誤今加參考別爲之傳

一高遵裕卒于紹聖中與高遵恪決非一人种師道列元祐黨籍見宋史本傳碑有師極無師道當爲師極改名並加審正

一趙令時史附燕懿王傳王古史附王素傳金石萃編以爲無傳誤也今並增補事蹟

一黨禁始末別爲一卷列于簡末

元祐黨人傳目錄

卷一

文臣曾任宰臣執政官

卷二

曾任待制以上官

卷三

曾任待制以上官

卷四

餘官

卷五

目錄

餘官

卷六

餘官

卷七

餘官

卷八

餘官

卷九

武臣 內臣 爲臣不忠曾任宰臣

卷十



黨禁始末

目錄

一

元祐黨人傳卷第一

誥授榮祿大夫三品頂戴前廣東南韶連兵備道調補高廉道權福建鹽運使司鹽法道加四級

臣陸心源纂

文臣曾任宰臣執政官

司馬光傳

司馬光字君實陝州夏縣人生七歲如成人羣兒戲于庭一兒登甕没水中光持石破甕兒得活京洛間畫傳其事實元初登進士甲科年甫冠性不喜華靡聞喜宴獨不戴花同列曰君賜也乃簪其一歷官直秘閣同知諫院英宗立進龍圖閣直學士神宗立權翰

祐一

一

林學士光嘗患歷代史繁人主不能遍覽爲通志八卷以獻英宗命置局續其書至是帝名之曰資治通鑑自製序授之王安石得政行新法光逆疏其利害拜樞密副使光辭抗章至七八請判西京御史臺歸洛凡居洛十五年天下以爲眞宰相田夫野老皆號爲司馬相公婦人孺子亦知爲君實也哲宗立爲門下侍郎罷保甲諸法拜尚書左僕射罷青苗復常平法元祐元年九月薨年六十六贈太師溫國公諡文正賜碑曰清忠粹德紹聖初御史周秩首論光誣謗先帝章惇蔡京請發冢斲棺帝不許乃令奪贈諡元

符末復太子太保崇甯元年降右正議大夫京撰姦
黨碑令郡國皆刻石長安石工安民當鑄字辭曰民
愚人固不知立碑之意但如司馬相公者海內稱其
正直今謂之姦邪民不忍刻也府官怒欲加罪泣曰
被役不敢辭乞免鑄安民二字於石末恐得罪後世
聞者愧之靖康元年還贈諡建炎中配享哲宗廟庭
事蹟詳宋史本傳

參楊仲良長編紀事本末

文彥博傳

文彥博字寬夫汾州介休人其先本敬氏以避晉高
祖及宋翼祖諱改焉及進士第歷殿中侍御史樞密

祐一

二

副使參知政事貝州王則反明鑄討之久不克彥博
請行旬日賊潰檻送則京師拜同中書門下平章事
御史唐介劾其在蜀日以奇錦詣宮掖介既貶彥博
亦罷知許州至和二年以吏部尚書同平章事明年
正月帝方受朝疾暴作扶入禁中彥博呼內侍史志
聰問狀對曰密禁不可漏言彥博叱之曰爾曹出入
禁闥不合宰相知天子起居欲何爲耶自今疾勢
增損必以告不爾當行軍法又留宿殿廬衆心以安
久之以同平章事判河南英宗卽位入爲樞密使熙
甯中以論市易爲王安石所惡拜司空判河陽元豐

三年拜太尉請老以太師致仕居洛陽元祐初司馬
光荐彥博宿德元老宜起以自輔宣仁后命平章軍
國重事居五年復致仕紹聖初章惇秉政言者論彥
博朋附司馬光詆毀先烈降太子少保卒年九十二
元符末復太師崇甯元年降太保預元祐黨籍後特
命出籍追復太師諡曰忠烈事蹟詳宋史本傳

長編紀
事本末

參揚
仲良

呂公著傳

呂公著字晦叔以父夷簡恩補奉禮郎登進士第熙甯
初知開封府明年爲御史中丞王安石方行青苗法

祐一

三

公著極言自古有爲之君未有失人心而能圖治亦
未有脅之以威勝之以辨而能得人心者也安石滋
怒誣以罪出知穎州元豐元年爲端明殿學士哲宗
立陳君道十事拜尙書左丞門下侍郎元祐元年尙
書左僕射與司馬光同心輔政光卒公著獨當國禁
主司不得以老莊命題舉子不得以申韓爲學經義
參用古今儒說毋得專取王氏三年拜司空同平章
軍國事明年二月薨贈太師申國公諡曰正獻御書
碑首曰純誠厚德紹聖元年章惇爲相以翟思張商
英周秩居言路論公著更熙豐法度削贈諡再貶建

武軍節度副使昌化軍司戶參軍徽宗立追復太子
太保蔡京擅政復降左光祿大夫入黨籍尋復銀青
光祿大夫紹興初悉還贈謚事蹟詳宋史本傳

呂大防傳

呂大防字微仲其先汲郡人祖父葬藍田遂家焉進
士及第調馮翊簿永壽令縣無井遠汲于澗大防用
考工水地置泉之法疏爲渠民賴之號呂公泉英宗
立自太常博士爲監察御史裏行疏言綱紀賞罰未
厭四方之望者五年京師大水陳八事神宗立厯知
制誥元豐初神宗以彗星求言大防陳三說九宜哲

祐一

四

宗立爲翰林學士元祐元年拜尙書右丞超尙書左
僕射兼門下侍郎大防不植朋黨與范純仁同心戮
力進退百官不可干以私凡八年始終如一懇乞避
位未幾左正言上官均論其墮壞役法右正言張商
英御史周秩劉拯相繼攻之奪學士知隨州貶秘書
監分司南京居郢州言者又以修神宗實錄直書其
事爲誣詆徙安州紹聖四年貶舒州團練副使循州
安置至虔州病薨年七十一徽宗卽位復其官崇甯
元年詔宣仁寢疾彌留永泰陵年已及冠而大防委
政闈寺莫肯以復辟爲言降太中大夫高宗紹興初

又復大學士贈太師宣國公諡曰正愍事蹟詳宋史
本傳

參楊仲良紀
事本末

劉摯傳

劉摯字莘老永靜東光人嘉祐中擢甲科歷冀州南
宮令與信都令李冲清河令黃莘皆以治行聞人稱
河朔三令擢檢正中書禮房默默無所好也才月餘
爲監察御史裏行欣然就職及入見神宗問卿從學
王安石耶安石極稱卿器識對曰臣東北人少孤獨
學不識安石也既論率錢助役十害執憲數月百僚
敬憚時人以比包拯呂誨元祐元年擢御史中丞連

祐一

五

進尙書左丞中書侍郎六年拜尙書右僕射爲朋讒
奇中以觀文殿大學士罷知鄆州紹聖初來之邵周
秩論摯變法棄地罪奪職知黃州再貶光祿卿分司
南京蘄州居住四年陷邢恕之謗貶鼎州團練副使
新州安置至數月以疾卒復遭謗免其子官與家屬
徙英州凡三年死于瘴者十人徽宗立詔反其家屬
復摯大中大夫崇甯元年降朝議大夫後又復觀文
殿大學士大中大夫紹興初贈少師諡曰忠肅事蹟

詳宋史本傳

楊仲良紀
事本末

范純仁傳

范純仁字堯夫蘇州吳縣人以父仲淹任爲太常寺
太祝中元祐元年進士時胡瑗孫復石介李覲皆在
仲淹門純仁從之游講肄至夜分不寢置燈帳中帳
頂如墨以箸作佐郎知襄城縣論民植桑有罪情輕
者視所植多寡除其罰民號著作林哲宗立除給事
中元祐初進吏部尚書三年拜右僕射章惇相純仁
堅請去遂知穎昌府又徙陳州呂大防等竄嶺表純
仁疏申理忤惇意落職知隨州明年又貶武安軍節
度副使永州安置徽宗卽位卽日授光祿卿分司南
京鄧州居住道除右正議大夫提舉崇福宮不數月

祐一

六

以觀文殿大學士充中太一宮使純仁乞歸許養疾
建中靖國改元元旦受家人賀明日熟寐而卒年七
十五詔贈開府儀同三司諡曰忠宣御書碑額曰世
濟忠直之碑崇甯元年奪諡告二年毀碑事蹟詳宋

史本傳

參楊仲良
紀事本末

韓忠彥傳

韓忠彥字師朴琦子以父任爲將作監簿後舉進士
元祐中爲戶部尚書遷知樞密院事哲宗蒞政更用
大臣以觀文殿學士知眞定府移定州忠彥在西府
以用兵南方非是願以所取之地棄還之以息民力

至是言者以爲言紹聖四年詔忠彥助誣民之浮說
行蹙國之匪謀降資政殿學士改知大名府徽宗卽
位以吏部尙書召拜門下侍郎踰月拜尙書右僕射
兼中書侍郎進左僕射兼門下侍郎封儀國公而曾
布爲右相多不協言事者助布排忠彥以觀文殿大
學士知大名府又以欽聖欲復廢后爲忠彥罪再降
大中大夫懷州居住又論忠彥在相位不應棄滄州
謫崇信節度副使濟州居住逮復滄州謫磁州團練
副使復大中大夫遂以宣奉大夫致仕卒事蹟詳宋

史本傳

參楊仲良
紀事本末

祐一

七

曾布傳

曾布字子宣南豐人學于兄鞏同登第歷開封令以
韓維王安石荐上書大率皆安石指也神宗召見論
合意授檢正中書五房凡三日五授勅告與呂惠卿
共創青苗助役保甲農田之法紹聖初拜同知樞密
院進知院事章惇爲相布贊惇紹述甚力請甄賞元
祐臣庶論更役法不便者以勸敢言惇遂興大獄陷
正人流貶鑄廢略無虛日布多陰擠之徽宗立拜右
僕射崇甯改元罷爲觀文殿大學士知潤州坐贓賄
落職提舉太清宮太平州居住又降司農卿分司南

京又責散官衡州安置又以棄渥州責賀州別駕大觀元年卒于潤州後贈觀文殿大學士諡曰文肅事蹟詳宋史本傳

參楊仲良紀事本末

梁燾傳

梁燾字況之鄆州須城人舉進士中第歷集賢校理元豐時上書曰青苗之錢未償而責以免役免役之錢未入而重以淤田淤田方下而復有方田方田未息而迫以保甲其為害之實雖有言者而上下相蒙竟成就其事臣謂天下之患不患禍亂之不可去患朋黨蒙蔽之俗成使上不得聞所當聞故政日以敝

祐一

八

而禍亂卒至也元祐七年拜尚書右丞蔡京帥蜀燾言京輕險貪復不可用以疾罷為資政殿學士同醴泉觀使紹聖元年知鄆州朋黨論起以司馬光黨黜知鄂州三年再貶少府監分司南京明年三貶雷州別駕化州安置卒元符末復右中散大夫崇甯元年降復朝請大夫事蹟詳宋史本傳

楊仲良紀事本末

王巖叟傳

王巖叟字彥霖大名清平人神宗初置明經科巖叟年十八鄉舉省試廷對皆第一改知定州安喜縣有法吏罷居鄉里導人為訟巖叟捕撻千百眾皆竦然

哲宗卽位劉摯荐爲監察御史明日卽上書論社稷安危之計在從諫用賢不可以小利失民心元祐六年拜樞密直學士簽書院事宰相劉摯爲御史鄭雍所擊巖叟連上疏論救摯去位御史遂指爲黨罷爲端明殿學士知鄭州明年徙河陽數月卒贈左正議大夫紹聖初追貶雷州別駕元符末復朝奉郎崇甯元年降復定遠軍行軍司馬事蹟詳宋史本傳

楊仲良紀事本末

蘇轍傳

蘇轍字子由與兄軾同登進士又同策制舉元祐六

祐一

九

年拜尙書右丞進門下侍郎紹聖初上疏哲宗起李清臣爲中書舍人鄧潤甫爲尙書左丞二人久在外不得志稍改言熙豐事以激怒哲宗意會廷試進士清臣撰策題卽爲邪說轍諫哲宗覽奏以爲引漢武方先朝不悅落職知汝州三年又責化州別駕雷州安置徽宗卽位徙永州岳州已而復大中大夫提舉鳳翔止清太平宮崇甯中蔡京當國又降朝請大夫罷祠居許州復大中大夫致仕築室于許自號穎濱遺老政和二年卒追復端明殿學士清熙中謚文定事蹟詳宋史本傳

王存傳

王存字正仲潤州丹陽人年十二辭親從師江西五年始歸登進士第歷知太常禮院存故與王安石厚安石執政論事多不合累上書陳時政因及大臣無所附麗元豐初擢正言五年遷兵部尚書元祐初累遷尚書左丞資政殿學士吏部尚書時在廷朋黨之論寢熾存爲哲宗言人臣朋黨誠不可長然或不察則濫及善人由是復與任事者戾除知大名府改知杭州紹聖初請老提舉崇禧觀遷右正議大夫致仕既而議者指存嘗議還西夏侵地降通議大夫建中

祐一

十

靖國元年卒贈左銀青光祿大夫崇甯元年追所贈官名列黨籍事蹟詳宋史本傳

參楊仲良紀事本末

鄭雍傳

鄭雍字公肅襄邑人哲宗立拜尚書左丞紹聖初治元祐衆臣雍頓首自列周秩乘隙詆之謂雍初爲侍從因徐王私於權臣以進哲宗怒黜秩二年以資政殿學士知陳州徙北京留守坐元祐黨奪職知鄭州改成都府元符元年提舉崇福宮歸未至而卒徽宗立復資政殿學士太中大夫崇甯元年追所贈官列名黨碑事蹟詳宋史本傳

參楊仲良紀事本末

傅堯俞傳

傅堯俞字欽之本鄆州須城人徙孟州濟源十歲能爲文未冠登第嘉祐中爲監察御史仁宗春秋高堯俞請建儲以慰天下望英宗卽位轉殿中侍御史以諫濮議出知和州熙甯三年至京王安石素與之善方行新法謂之曰舉朝紛紛俟君來久矣將以待制諫院處君堯俞曰新法世以爲不便誠如是當極論之平生未嘗好欺敢以爲告安石愠之但授直昭文館權鹽鐵副使元祐四年拜中書侍郎六年卒年六十八贈銀青光祿大夫謚曰獻簡紹聖中以元祐黨

祐一

十一

人奪贈謚著名黨籍後黨錮解下詔褒贈錄其子事蹟詳宋史本傳

趙瞻傳

趙瞻字大觀其先亳州永城人徙鳳翔之盩厔舉進士第知夏縣作八監堂書古今賢令長治迹以自監又以秘書丞知永昌縣築六堰灌田歲省科歛數十萬水訟咸息民以比召杜元祐三年擢樞密直學士簽書樞密院事明年以中大夫同知院事五年卒贈銀青光祿大夫謚曰懿簡紹聖中言者以傳會元祐諸臣追奪所贈官列于黨籍事蹟詳宋史本傳

韓維傳

韓維字持國億第五子其先眞定靈壽人徙開封之雍丘以進士奏名禮部方億輔政不肯試大廷受蔭入官父沒後閉門不仕歐陽修荐爲檢討知太常禮院温成后立廟用樂維以爲不如禮請一切裁去議陳執中謚以爲張貴妃治喪皇儀殿追冊位號皆執中所建宜謚曰榮靈神宗卽位除龍圖閣直學士熙甯三年遷翰林學士明年爲御史中丞七年爲學士承旨元祐更役法命維詳定拜門下侍郎處東省踰年有忌之者密爲讒愬以太子少傅致仕轉少師紹

祐一

十一

聖中坐元祐黨降左朝議大夫再謫宗信軍節度副使均州安置元符元年復左朝議大夫是歲卒徽宗初追復舊官崇甯元年列名黨碑事蹟詳宋史本傳

孫固傳

孫固字和父鄭州管城人登進士歷少府監神宗問王安石可相否固曰安石文行甚高狷狹少容必求賢相呂公著司馬光韓維其人也凡四問皆以此對安石當國更法度固議事數不合又極陳青苗匪便元祐二年知樞密院事累官右光祿大夫五年卒贈開府儀同三司謚曰温靖紹聖時奪遺澤元符二年

奪所贈官列元祐黨籍政和中徽宗以固嘗爲神宗
官僚特出籍悉還所奪事蹟詳宋史本傳

范百祿傳

范百祿字子功成都華陽人鎮兄錯之子也第進士
又舉才識兼茂科元祐初爲吏部侍郎拜中書侍郎
右僕射蘇頌坐稽留除書免百祿以同省罷爲資政
殿學士知河中徙河陽河南薨贈銀青光祿大夫崇
甯元年列名黨碑事蹟詳宋史本傳

參楊仲良
紀事本末

胡宗愈傳

胡宗愈字完夫常州晉陵人元祐初進起居郎中書

祐一

七

舍人給事中御史中丞哲宗嘗問朋黨之弊對曰君
子指小人爲姦則小人指君子爲黨明日具君子無
黨論以進拜尚書右丞諫議大夫王覲論其不當而
劉安世韓川孫覺等合攻之罷爲資政殿學士知陳
州徙成都府召爲禮部尚書遷吏部紹聖元年罷爲
通議大夫知定州卒崇甯元年列名黨碑事蹟詳宋
史本傳

參楊仲良
紀事本末

李清臣傳

李清臣字邦直魏人自幼敏悟能文章韓琦以兄子
妻之第進士爲和川令應材識兼茂科歐陽修以比

蘇軾試秘閣韓維以比荀卿擢秘書郎簽書平江軍判官名聲藉甚英宗曰韓琦太避嫌李清臣者顧可抑之乎以歐陽修荐得集賢校理作韓琦神道碑神宗讀之曰良史材也擢至知制誥元豐六年拜尚書右丞哲宗卽位拜中書侍郎紹聖元年廷試進士清臣發策皆紕元祐之政於是紹述之論大興國是遂變章惇入相逐諸臣并籍文彥博呂公著以下三十人將悉竄嶺表清臣曰更先帝法度不爲無過然皆累朝元老若從惇言必大駭物聽帝曰是豈無中道耶令揭榜朝堂置餘人不問有狂婦人告清臣謀反

祐一

七

屬吏捕治本澶州娼而清臣姑子田氏外婦者清臣用御史言不引去以大學士知河南元符三年七月坐章惇叩闕不上聞落職知眞定府徽宗立入爲門下侍郎尋爲曾布所陷出知大名府而卒贈金紫光祿大夫崇甯元年奪職追所贈官列名黨碑事蹟詳

宋史本傳

參紀事本末
宋大詔令

劉奉世傳

劉奉世字仲馮臨江新喻人敞子元祐七年拜樞密直學士僉書院事紹聖元年以端明殿學士知成德軍改定州踰年知成都府過都入覲欲述朋黨傾邪

之狀帝將聽其來曾布曰元祐變先朝法無一當者奉世有力焉最爲漏網恐不足見遂不許明年賁光祿少卿分司南京居郴州再被邢恕劾貶隰州團練副使徽宗立盡還其官職知定州大名府鄆州崇甯初再奪職責居沂兗以赦得歸政和三年復端明殿學士薨事蹟詳宋史本傳

范純禮傳

范純禮字夔叟以父仲淹蔭爲秘書正字出知環州廬南有邊事調度苛棘純禮一以靜待之辨其可具者不取於民民圖像于廬而奉之如神名曰范公庵

祐一

五

元祐初爲吏部郎中進給事中徽宗立以龍圖閣學士知開封府鞫享澤村民謀逆純禮審其故此民入戲場觀優歸途見匠者作桶取而戴于首曰與劉先主如何遂爲匠擒明日入對曰愚民村野無知若以叛逆蔽罪恐辜好生之德以不應爲杖之足矣徽宗從之擢尙書右丞純禮沈毅剛正曾布憚之激駙馬都尉王誼曰上欲除君承旨范右丞不可誅怒會誼館伴遼使純禮主宴誼誣其輒斥御名罷爲端明殿學士知潁昌府崇甯元年落職提舉崇福宮黨禁啟貶試少府監分司南京又貶靜江軍節度副使徐州安

置徙單州五年復左朝議大夫提舉鴻慶宮卒事迹

詳宋史本傳

參紀事本末

安燾傳

安燾字厚卿開封人登第用薦判吏部南曹時方興新法燾列其太甚于朝元豐初授諫議大夫六年同知樞密院事元祐二年進知院事以母憂去卒喪入爲門下侍郎常安民言教坊不當于相國寺作樂章愴譖其相表裏出知鄭州徙大名徽宗立復知樞密院以老避位知河南疏言東京黨禍已萌願戒履霜之漸語尤激切初建涅州議者以爲可棄燾在樞府

祐一

七

奏還之崇甯元年坐棄涅州議其罪降端明殿學士再貶甯國軍節度副使漢陽軍安置涅州復又降祁州團練副使鄴州復又移建昌軍閱再歲復通議大夫還洛卒後五歲悉還其官職事蹟詳宋史本傳

陸佃傳

陸佃字農師越州山陰人受經于王安石熙甯二年應舉入京安石當國首問新政佃曰法非不善但推行不能如初意還爲擾民如青苗是也安石驚曰胡爲乃尔吾與惠卿議之紹聖初坐實錄罪落職知泰州徽宗卽位累拜尚書左丞佃執政欲參用元祐人

才御史論呂希純胡安世復職太驟欲更懲元祐餘黨佃爲徽宗言不宜窮治乃下詔申諭揭之朝堂讒者用是詆佃曰佃名在黨籍不欲窮治正恐自及耳遂罷爲中大夫知亳州數月卒追復資政殿學士事蹟詳宋史本傳

黃履傳

黃履字安中邵武人第進士歷官吏部尚書哲宗立徙翰林學士履素與蔡確章惇邢恕相結確惇有怨惡使恕道風旨卽排擊之紹聖初爲御史中丞拜尚書右丞鄒浩以言事貶新州履乞徙善地坐罷知毫

祐一

七

州徽宗立召爲資政殿學士復拜右丞未踰年求去卒崇甯元年列名黨碑事蹟詳宋史本傳

參楊仲良紀事本末

張商英傳

張商英字天覺蜀州新津人哲宗初爲開封府推官連使河北江西淮南哲宗親政召爲右正言左司諫商英積憾元祐大臣不用已極力攻之旣與陽翟民蓋氏養子漸交關事露責監江甯酒稅起知洪州累遷中書舍人謝表歷詆元祐諸賢衆益畏其口崇甯初爲吏部刑部侍郎翰林學士蔡京拜相商英雅與之善尋拜尚書左丞復與京議政不合屢詆京身爲

輔相志在逢君御史謂非所宜言且取商英所作元祐嘉禾頌及司馬光祭文斥其反復罷知亳州入元祐黨籍京罷相知鄂州京復相以散官安置歸陝二州大觀四年京再逐起商英知杭州過闕留爲資政殿學士拜尚書右僕射京久盜國柄中外怨疾見商英能立同異更稱爲賢徽宗因人望相之時久旱彗星中天是夕彗不見明日雨徽宗喜大書商霖二字賜之因與方技郭天信語言往來事覺貶衡州安置太學諸生訟寃復還故官職宣和三年卒贈少保紹興中賜諡文忠事蹟詳宋史本傳

祐一

六

蔣之奇傳

蔣之奇字穎叔常州宜興人登進士第舉賢良方正試六論中選及對策失書問日報罷英宗覽而善之擢監察御史初之奇爲歐陽修所厚制科旣黜乃詣修盛言濮議之善以得御史後懼不爲衆所容因劾修帷簿事中書問狀無實貶監道州酒稅紹聖中累拜知樞密院事崇甯元年知杭州以棄河湟事奪職由正議大夫以疾告歸提舉靈仙觀列名黨碑三年卒後錄其嘗陳紹述之言盡復官職之奇爲部使者十二任六典會府以辦治稱且喜荐士在閩荐處士

陳烈在淮南荐孝子徐積特以畔歐陽修爲清議所
薄事蹟詳宋史本傳

祐

九

元祐黨人傳卷第二

誥授榮祿大夫二品頂戴前廣東南韶連兵備道調補高

廉道權福建鹽運使司鹽法道加四級臣陸心源纂

曾任待制以上官

蘇軾傳

蘇軾字子瞻眉州眉山入嘉祐二年試禮部第一殿試中乙科後以書見歐陽修修語梅聖俞曰吾當避此人出一頭地治平二年判登聞鼓院熙寧二年王安石執政素惡其議論異已以判官告院四年王安石欲廢科舉與學校詔兩制三館議軾議上神宗卽日召

祐二

一

對軾曰陛下天縱文武不患不明不患不勤不患不斷但患求治太急聽言太廣進人太銳願鎮以安靜待物之來然後應之帝悚然曰朕當熟思之安石不悅時安石創新法軾上書論其不便軾見安石贊帝以獨斷專任因試進士發策以晉武平吳以獨斷而克苻堅伐晉以獨斷而亡齊桓專任管仲而霸燕噲專任子之而敗事同功異爲問安石滋怒軾請外通判杭州徙知湖州李定舒亶摭其謝表語並媒孽所爲詩以爲謗訕逮赴臺獄欲置之死神宗憐之以黃州團練副使安置軾築室于東坡自號東坡居士哲

宗立召爲禮部郎中四年請外知杭州軾二十年間再蒞杭有德于民家有畫像飲食必祝又生作祠以報六年召爲吏部尙書改翰林承旨後以讒請外出知潁州未閱歲以兵部尙書召兼侍讀尋兼端明殿翰林侍讀兩學士爲禮部尙書哲宗親政出知定州紹聖初御史論軾掌內外制日所作詞命以爲譏斥先朝累貶寧遠軍節度副使惠州安置徽宗立移廉州改舒州團練副使徙永州赦還提舉玉局觀復朝奉郎建中靖國元年卒于常州高宗卽位贈資政殿學士崇贈太師謚文忠事蹟詳宋史本傳

祐二

劉安世傳

劉安世字器之魏人登進士第不就選從學於司馬光咨盡心行己之要光教之以誠且令自不妄語始司馬光入相薦爲祕書省正字擢右正言進右諫議大夫出知成德軍章惇用事尤忌惡之初黜知南安軍再貶少府少監三貶新州別駕安置英州同文獄起徙梅州惇與蔡卞將必置之死因使者入海島誅陳衍諷使過安世脅使自裁又擢一土豪爲轉運判官使殺之判官疾馳將至梅嘔血而斃危得免徽宗卽位以集賢殿修撰知鄆州眞定府曾布又忌之不

使入朝蔡京既相蓮七謫至峽州羈管稍復承議郎
卜居宋都宣和六年復待制中書舍人明年卒年七
十八安世儀狀魁碩音吐如鐘在職累歲正色立朝
其面折廷爭或帝盛怒則執簡却立伺怒稍解復前
抗辭旁觀者遠觀蓄縮悚汗目之曰殿上虎一時無
不敬憚年既老羣賢凋喪畧盡歸然獨存而名望益
重梁師成用事能生死人心服其賢求得小吏吳默
嘗趨走前後使持書來啖以卽大用默因勸爲子孫
計安世笑曰吾若爲子孫計不至是矣吾欲元祐全
人見司馬公于地下還其書不答事蹟詳宋史本傳

范祖禹傳

范祖禹字淳甫一字夢得其生也母夢一偉丈夫被
金甲入寢室曰吾漢將軍鄧禹遂以爲名進士甲科
從司馬光編修資治通鑑在洛十五年不事進取書
成光薦爲祕書省正字時王安石當國尤愛重之祖
禹竟不往謁哲宗立擢右正言遷著作郎右諫議大
夫拜翰林學士改侍講學士紹述之論興有相章惇
意祖禹力言惇不可用不見從遂請外以龍圖閣學士
知陝州言者論祖禹修實錄詆誣又摭其諫禁中雇
乳媪事追貶武安軍節度副使昭州別駕安置永州

賀州又徙賓化而卒建炎二年追復龍圖閣學士事蹟詳宋史本傳

朱光庭傳

朱光庭字公揆河南偃師人哲宗卽位司馬光薦爲右正言乞罷提舉常平官保甲青苗法遷右司諫拜給事中乞補外除集賢殿修撰知亳州加集賢院學士出禱雨拜不能興再宿而卒紹聖中追貶柳州別駕元符又停錮其諸子徽宗立復其官崇寧元年追所復官入黨籍

宋史參楊仲良長編紀事本末

姚勔傳

祐二

四

姚勔字輝中越州山陰人嘉祐四年進士歷永康令重親猶在父母每以榮其親爲言勔乃請納祿以太子中允致仕遇郊封父母父母請回官封祖父母特從之宴居邱園稱道不倦清節懿行聞于鄉黨

樂城人

端良不苟甘貧二十年元祐二年以公卿交薦落致仕除宗正丞改秘書丞易太常博士改太常丞四年奏言本朝大饗明堂祀旻天上帝仍設五帝之坐及五帝五官之神元豐三年始設上帝一位不稱旻天其餘五帝以下神位悉罷請將來宗祀神宗皇帝于明堂以配上帝從祀之神如郊徧舉詔禮官審議六

年擢右正言奏御史中丞趙君錫雷同俯仰無所建
明旣薦秦觀才美後因屬官有言旋行陳首取舍翻
復貽笑多士數日又言臣伏見潁昌府所勘趙仁恕
公事已見情理欲結正之次只因仁恕父彥若奏論
稱本路監司挾情擔拾意謂其子無贓污等事以爲
枉陷非辜朝廷從此下別路差官推勘其勘官孟易
因而觀望風旨將前勘大情出入以致錄問官疏駁
自始降朝旨差官以至再勘凡經十餘月不能了絕
但只淹延時日一行干證人久在囚繫皆緣彥若奏
陳所致今來勘案內趙仁恕委有贓盜不法等事顯

祐二

五

是彥若專欲以私意苟免其子無忠正之心爲國家
動搖吏議罔冒上聽使監司沮發擿之劾勘官起觀
望之意稽留獄禁冀追典刑臣備位言司不敢緘默
謹按翰林學士趙彥若身爲從官親侍經幄可謂天
子近臣矣其子敢爲不法干犯國典蓋彥若素乖義
訓以負陛下厚恩自合引咎杜門惶怖待罪而乃公
然論奏移過監司且犯罪麗刑邦有常憲假使勘院
屈抑迨其結正自許翻論豈得規免獄成僥求別鞠
若下民皆許如此則訟豈不煩如使貴者獨然則何
以示天下今以彥若一言之訴遂至十餘月勘不圓

太平公朝而彥若侵亂邦法合行黜責臣竊嘗聞仁宗朝翰林學士張瓌與范鎮同判流內銓瓌有子因鎮廳補考當用審狀移縣令而鎮令用例以隨身歷子爲證是時瓌雖不與然知而弗正輔臣皆曰瓌應罰金勿劾仁宗曰不可瓌私其子不顧銓法特奪一官降知亳州且鎮失取審狀瓌誠不與尙且奪官責小郡蓋罪其懷情弗舉以倖其子也今彥若挾私罔上其罪當黜非瓌之比伏乞聖斷重行責降以厭輿論又言臣近曾上言乞責降趙彥若未蒙施行臣竊以法者天下之公共非一人法也法尊則朝廷尊朝廷尊則羣下服故人臣不可以不敬法人臣而不敬法者必誅此百王不易典也今監司按吏是職也吏惡而監司不舉罪重而勘官不究則於朝廷之法何謂哉監司勘官者皆有朝廷之法在焉於彥若之子何有哉而彥若敢奪其成而請移之敢以聲勢動搖其獄而使出沒之如彥若者其不敬朝廷之法可謂甚矣彥若一移其獄紛紛至於半年不了天下獄事蓋當如此者乎推勘官出沒其情則無所加罪錄問官疏駁其失則無所是非由彥若故屈天下法彥若之罪豈小也哉今誣人以不實者反本罪告上以不

實者從徒坐而彥若誣監司挾情擴拾欺罔聖聰謂
枉陷非辜彥若猶可以齒於人哉彥若者不敬朝廷
之法不顧人臣之義但知愛子而不知愛君今不重
懲臣恐佗日將有倣此者寢不可止陛下何以持至
公之法而馭天下伏乞聖斷重行責降以戒後來彥
若坐左轉尋改左正言奏趙君錫王鞏私欺公朝有
壞綱紀又言李清臣除吏部尙書物議未允臣聞清
臣曾任執政官昨在朝廷阿附時相隨邪用事無大
臣之節清臣之命卒罷七年言先帝表章聖學用經
術取士誠欲以大道於變斯文然議者以爲師用一

家之說習以成蔽不能貫通是以前日明詔復用詩
賦此固陛下開廣育之路求賢取士之深意也然臣
竊見學者自復詩賦以來於今五六年頗有未能工
者以臣衡論人材其已學者復之難成不至如此就
詢其由良亦有說蓋今貢舉之法習詩賦者仍試經
義旣學者期于必得則在兼通至有司責其俱優則
兩難盡善何則業經者直求先王之道斷聖人之心
至于詞賦雕鏤離析破碎主以聲病爲急二者不可
得全猶責善視者必有聽也若用意散漫則兩俱不
精倘能偏長則必有一短又經義一科行之稍久壯

齒以上所業已成一旦銷磨亦甚可惜而况通經辨道不猶愈于雕蟲又或聞將來經義舉人所恥分數不多而詩賦兼經者又皆滅裂則是經義之名苟存而六藝之學寢廢也臣欲望朝廷並立詩賦經義各爲一科隨所試人多少均爲取士之格如此則永遠可行而學者專精一藝易見成就惟陛下裁擇天下幸甚又言劉摯朋黨不公又言禮部郎中葉祖洽貪鄙無狀不持廉節自淮南行替入京沿路商販祖洽坐斥知海州又言徐王府侍講魏廣浪游市屢熟詣邪徑既無行誼亦無經術廣尋改軍器少監除起居舍

人遷起居郎尋兼權給事中詔呂惠卿光祿卿分司勳封還詞頭罷之八年言知興州孫賁知眞州日以筵會爲事曠近娼女聞親弟之喪匿而不舉賁改知淮陽軍明年擢國子祭酒紹聖初言者論其阿附呂大防范純仁謫知信州蹇序辰等論不已落職以奉議郎管勾洞霄宮紹聖四年再貶守水部員外郎分司南京衢州居住尋卒崇寧三年入黨籍後贈寶文閣待制勳以孝行者每省先墓素衣步出城門且行且賁涕至墓見者爲之感動

通鑑長編參會稽志宋大詔令紀事本末卷百

趙君錫傳

趙君錫字無愧河南洛陽人安仁孫良規子事父不違左右元祐初遷右司郎中擢給事中論蔡京章惇有罪不宜復職拜御史中丞紹聖中貶少府少監分司南京卒紹興六年贈徽猷閣直學士事蹟詳宋史本傳

馬默傳

馬默字處厚單州武城人神宗卽位以論歐陽修事通判懷州司馬光爲相除河北都轉運使久之告老提舉鴻慶宮紹聖四年坐附司馬光落寶文閣待制

祐二

九

致仕單州居住卒元符三年復官崇寧元年入黨籍紹興中以其子純請贈開府儀同三司加贈太保事蹟詳宋史本傳

孔武仲傳

孔武仲字常父元祐中□歷秘書省正字著作郎拜中書舍人遷禮部侍郎以寶文閣待制知洪州坐元祐黨奪職管勾玉隆觀池州居住元符元年卒元符末追復之事蹟詳宋史本傳

參通鑑長編五百二

孔文仲傳

孔文仲字經父臨江新喻人舉進士南省第一熙寧

初翰林學士范鎮薦制舉對策萬言力論理財用兵之法非是王安石怒啟神宗御批罷歸故官元祐初以祕書省校書郎進禮部員外郎擢右諫議大夫疏論青苗免役首困天下保甲保馬茶鹽之法遣螯留蠹改中書舍人三年同知貢舉先有寒疾及是晝夜不廢職疾甚還家而卒年五十一蘇軾拊其柩曰世方嘉輒熟惡呼嚙求勁直如吾經父者今無有矣後追貶梅州別駕元符末復其官崇寧元年追所贈官入黨籍事蹟詳宋史本傳

參紀事本末

吳安持傳

祐二

十

吳安持建州浦城人父充宋史有傳以蔭爲同勾當開封府司錄司檢校庫熙寧四年言本庫檢校孤幼月給錢歲給衣逮及長成或至罄竭乞以見錢貸人令人抵當出息歷太子中允同提舉市易司時妻父王安石爲相安持倚勢抑配以邀恩賞充屢戒之不聽及充爲相安持以父在中書乞罷領市易始改羣牧判官除太常博士元豐八年知滑州改知蘇州元祐元年召爲將作少監先是元豐間河決南宮口敕自後不得復議回河元祐初文彥博呂大防薦安持爲都水使者安持與都監勾當公事李偉力主東流議

調夫十萬人奏作北流軟堰門下侍郎蘇轍極言軟堰不可施於北流已而北流壅遏河水潰決四出安持請開分水河以減漲水復於西隄作鋸牙馬頭約水東流然東流地勢既高迄無成績累官太僕少卿知成德軍紹聖三年爲眞定路經畧使元符元年遷寶文閣待制知潁昌府二年除河北路都轉運使仍專切措置河事會河決內黃口議者追咎安持導河東流安持不自安遂辭新命左司諫王祖道請正安持等罪落寶文閣待制降授朝散大夫少府監分司南京陳州居住時水官分等第治罪尙書左丞蔡卞

祐二

十一

安持妻姊之夫也故得陳州三年以徽宗登極恩復

官尋遷工部侍郎崇寧元年削職入黨籍

通鑑長編參楊仲良

紀事本末

錢總傳

錢總字穆父吳越王之後彥遠之子也生五歲日誦千言十五歲制舉之業成熙寧三年應試既中祕閣選會王安石惡孔文仲策遷怒罷其科遂不得第以蔭知尉氏縣元祐初遷給事中知開封府老吏畏其敏欲困以事導人訴謀至七百總隨卽判決上下皆驚咤蘇軾乘其据案時遺以詩總操筆立報軾曰電

掃庭訟響答詩筒近所未有也哲宗親政翰林敏學
士帝以命勰仍兼侍讀章惇極排之諷全臺攻不已
罷知池州卒元符末追復龍圖閣學士崇寧元年入
黨籍事蹟詳宋史本傳參楊仲良
紀事本末

李之純傳

李之純字端伯滄州無棣人第進士元祐初知滄州
召爲戶部侍郎三遷御史中丞董敦逸黃慶基等論
蘇軾託詞命以毀先帝蘇轍以名器私所親之純疏
其誣罔乃黜敦逸慶基以疾改工部尙書紹聖中劉
拯劾其阿附蘇轍出知單州卒四年追職及遺表恩

祐二

七

澤崇寧二年入黨籍事蹟詳宋史本傳參長編紀
事本末

孫覺傳

孫覺字莘老高郵人甫冠從胡瑗學登進士第調合
肥主簿歲早督州民捕蝗覺曰民方艱食若以米易
之是除害而享利也守悅推其說於諸路熙寧二年
知諫院王安石早與覺善驟引用之將以爲助青苗
法行條奏其妄出知廣德徙湖州哲宗卽位擢御史
中丞以疾請罷除龍圖閣學士提舉舒州雲仙觀卒
年六十二覺爲王安石所逐不以介意安石退居鏹
山覺枉駕道舊追其死又爲文以誄其德量如此紹

聖中以覺爲元祐黨奪職追官徽宗卽位復官職崇
寧元年入黨籍事蹟詳宋史本傳參楊仲良長編紀事本末

鮮于侁傳

鮮于侁字子駿閬州人第進士神宗詔求直言侁爲
蔡河撥發應詔陳十六事以范鎮舉除利州運判初
王安石有重名士大夫期以爲相侁曰是人若用必
壞亂天下至是乃上書曰可爲憂患者一可爲太息
者二其他逆治體而召民怨者不可概舉意專指安
石安石怒毀短之元豐二年知揚州蘇軾自湖州赴
獄親朋皆絕道揚侁往見臺吏不許通或謂侁宜亟

祐二

三

焚軾所往來詩文以避禍侁曰欺君負友我不忍爲
以忠義分譴則所願也哲宗立召爲太常少卿在職
三月以疾求去除集賢殿修撰知陳州滿歲進待制
無何卒崇寧元年入黨籍事蹟詳宋史本傳參楊仲良長編

紀事
本末

趙彥若傳

趙彥若字元考青州人父師民宋史有傳彥若內行

修飾節操堅正

傳家集

博學強記沈酣書林

道鄉集

以父

任爲將作監主簿嘉祐四年大理評事爲館閣編校
書籍官熙寧初太常丞祕閣校理通判淄州獄有失

火偽印者法當死彥若謂在律雜犯死罪親年九十無兼養應上請與知州解賓王議異遂獨劾奏二人得貸死賓王許彥若不過廳謫監單州酒稅四年召歸五年同知禮院時議復僖祖彥若謂歷代非初卽位復已祧之主者獨有開元故事因言太廟止有八室乞候有司議定祧後依唐制增爲九室之廟奉僖祖神主還居舊室不報彥若乞免同知禮院從之九年累官太常博士元豐二年爲祠部員外郎秘閣校理兼修百官公卿表改集賢校理兼知宗正丞奏言據仙源積慶圖克頌秦王廷美曾孫紀國公德存孫

河東郡王承衍子在今爲三從外無服之親名銜不當稱皇叔廷美十子各有封國子孫繫屬自存本統克頌合稱紀國公孫謹按禮記曰君有合族之道族人不得以其戚戚君位也鄭氏注族人皆臣也不得以父兄子弟之親自戚於位謂齒列也所以尊君別嫌唐有司奏宗子皇字爲稱首從數爲序親誠非不戚君位之義儀禮從父昆弟則今同堂也從祖昆弟則今再從也族昆弟則今三從也三從內請依舊餘各以祖稱本封爲某王公子孫此則唐之皇親三從內於皇字下有從及再從及三從外則不書皇各以

其祖先所封爲房冠於頭銜周小宗伯掌三族之別以辨親疏漢宗正敘九族其制一也今宗室文書行於曹局銜位之上雖三從外亦無從數非所謂敘也親疏一概不異其文非所謂辨也臣以爲骨肉之恩固在敦睦然上下名分不得不正且有司之事豈可使天旨自親其文是乃臣之責任所當守職而論也伏願據宗潘慶緒錄悉正其名應同堂親於皇字下加從字再從三從親又加再三字三從之外各以其祖先所封郡國爲房分而系其世次不書皇字則親疎有別尊卑不躓又言禮院更定薦新於兩廟旣徹

方驗蒲盡老硬無復有白蓋議禮者但取芟之同類以相代而不思蒲之過時不可食也臣竊考之於詩韓侯秋見菽用筍蒲皆是其蒲非謂新物周禮醢人掌加豆之實深蒲醢醢筍蒲魚醢祭祀供薦羞之豆實賓客亦如之此則肉之醢菜之菹賓祭內羞四時不闕維筍及蒲固所以待賓客其義明矣鄭氏注深蒲云蒲始生水者草木蟲魚疏云蒲周禮以爲菹始生取其中心入地莠及云菰蔣亦可用並言蒲始生自不在秋故本草曰蒲四月采唐本注云蒲初春生用白爲菹是也唐禮薦新不限月筍蒲芡藕各

維其時今近地菱白特饒舊制參於秋薦卽菰蔣也
廣雅曰菰蔣其末雕胡說文作雕菰周禮食醫膳食
之宜魚宜菰菱是其萌徐鍇歲時廣記所謂菰草爲
菱者也雖亦春生至秋可食與蒲有異臣據詩言食
鬱及藇烹葵及菽以同時言及則維筍及蒲亦自可
知況當薦筍之辰正是食蒲之始伏請改從春獻用
協天時從之又奏言昔漢之取人不限疎近而宗正
有郡國歲計上籍之文劉向以宗室高才進對待詔
唐宗正寺歲送進士二十人李程李肱皆爲舉首今
宗正寺侍祠之外專掌玉牒屬籍而不豫薦士竊恐

臣之本職有所未稱謂宜具爲條統俾諸教官依國
子監外官學例爲課試法每遇秋賦許就宗正寺投
狀鎖試別立人數頗示優異著爲格令賢戚並用紀
綱四方何獨樸棫之雅乎凡天下事皆如權衡重於
此則輕於彼矣宗室之間自有考核賢者獲升不肖
者退抑分當裁損必無缺望夫親賢兼進布列中外
以鎮安四海爲磐石之固與愚智混淆聚於一處徒
殫祿廩而無所事者不可同日語也尋爲國史院編
修官四年奏進百官公卿表十卷宗室世系表三卷
賜銀絹有差改朝散郎集賢校理同修起居注五年

試中書舍人兩朝正史成賜彥若子遷一官呂公著
知定州彥若草制王安禮父名益嫌告用益字塗改
數句彥若不從及權起居郎因對邇英閣奏之六年
爲右諫議大夫言王事之本陰陽爲先月令孟春之
月命相布德和令行慶施惠下及兆民所以致驩聲
而達陽氣是以王者游豫燕飲與眾人同樂爲天下
自娛感召和氣之端贊化育而參天地也伏緣正月
陛下嘗謁景雲宮臣比陪從至繼仁殿竊見聖情思
慕猶如前時公卿侍臣無不惻楚伏維孝治之至大
舜何以加臣敢過計豫言者以慶壽變除歲月漸遠

祐二

七

而少陽用事生氣尙微若孝思發中或復感動慮於
時令有所未順雖上聖至德非可以常經格之然屈
己從人亦明主之所不違欲望將來繼仁殿所陳服
玩酌獻之初慙從隱蔽抑忍聖意奉承天時無虧孝
慕之誠以順陽和之令又言三公論道經邦變理陰
陽又曰冢宰掌邦治統百官均四海皆舉大體故陳
平言宰相上佐天子理陰陽下遂萬物之宜外鎮撫
四夷內親附百姓使卿大夫各得任其職蓋據此以
爲說也周禮太宰分職則詳是知三公之官不無吏
事之責風聞去年官制初行有司議同職犯罪四等

自是律文之正固當以時舉行而執政大臣不以爲便乃引陳平之言自解而廢沮法律正文必若所云宜知大體然前時執法奏大臣不置都簿大臣亦奏御史臺不置都簿以報之近日執法奏大臣依刑部申不用符召寺吏大臣亦奏執法前在禮部不用符召寺吏以報之執法者旣罪白而罰當矣臣獨疑大臣不能以道德承聖化而專任小數校量必勝失大臣體自謂得計而內不憂於職事外不畏於人言以此爲調變之功則似非天意以此爲輔佐之效則實負聖明伏計寬仁未忍切責願垂戒敕俾知省思庶

祐二

大

有恐懼之心可以助致和氣不報又言伏見尙書省聽事寫周官篇此朝廷稽古命官之本也周官大旨在乎得人故曰不惟其官惟其人又曰官不必備惟其人今門下侍郎章惇尙書左丞王安禮並無行檢非周官之所謂惟其人也自居執政未聞有補而異黨復一人畏其彊僚屬觀望雖譴不悔權勢至此不宜處位請皆外補以肅具臣詔以彥若侵越降官試祕書監尋罷爲龍圖閣待制知亳州八年以司馬光薦召兼侍讀提舉萬壽觀元祐元年擢兵部侍郎二年充實錄院修撰三年與傅堯俞范百祿陸佃曾肇

劉攽彭汝礪劉奉世盛僑翟思趙挺之王彭年上言
殿試宜復祖宗三題之法五年改禮部侍郎尋權刑
部尚書兼侍讀改禮部尚書六年改朝請大夫翰林
學士知制誥子仁恕爲陽翟令酷虐貪贓爲提刑鍾
浚所發彥若上書言臣往爲諫官嘗劾王安禮浚實
安禮黨恐挾此報怨願移獄改推御批依奏右正言
姚勔御史賈易虞策安鼎論彥若庇子之惡誣人罔
上彥若三上章請祠不允六年罷兼侍讀尋除寶文
閣學士提舉萬壽觀言者猶未已除樞密直學士提
舉萬壽觀任便居住有旨差兵級二十人送還青州

祐二

九

並僱給所當船彥若不肯復留不以一毫千人稅客

舟飄然而去以范祖禹言詔與祖禹同修神宗實錄爲

國史院修撰兼知院事七年十月除翰林侍讀學士

與蘇軾呂希哲范祖禹豐稷顧臨吳安詩上言乞校

正陸宣公奏議尋以翰林學士提舉兗州景龍宮紹

聖元年以修神宗實錄美意良法輒敢隱沒得之傳

聞微言譏刺者數十事責授安遠軍節度副使澧州

安置尋卒崇寧元年入黨籍大觀二年出黨籍

李燾通鑑

長編參紀事本末長安志序宋史全文九朝編年諸臣奏議書錄解題彥若爲司馬光

上客未嘗有私謁

步里客談

無書不記世謂着脚書樓然

性不矜伐而尤恭謹館中諸公論藥方有藥不知所出或云問彥若必能記時彥若在下座對曰在幾卷幾葉第幾行附某藥下檢之果驗眾怪曰諸公紛紛而子獨不言何也彥若曰諸公不見問所以不敢言耳元豐間三韓使在四明倡和詩奏到其詩序有慚非白雪之詞輒效青唇之唱之句神宗問青唇事近臣皆不知因薦彥若對在某小說中然君臣間難言也容臣寫進本入上覽之止是夫婦酬答語因問大臣彥若何以不肯面對或曰彥若素純謹在君父前宜其恭謹如此上嘉歎

曲洧舊聞

祐二

三

趙高傳

趙高字公才邛州依政人熙寧初擢陝西宣撫判官交趾叛爲安南行營經畧招討使元祐五年拜端明殿學士遷大中大夫卒贈右光祿大夫紹聖四年以高與元祐棄地議追職並兩官及遺表恩澤元符末復大中大夫崇寧元年追奪入黨籍事蹟詳宋史本

參揚仲良長編紀事本末

王欽臣傳

王欽臣字仲至父洙宋史有傳欽臣清亮有志操以文贄歐陽修器重之用蔭入仕文彥博薦試學士院

賜進士及第元祐初爲工部員外郎改集賢殿修撰
知和州徙饒州紹聖四年詔欽臣因緣奸黨躋躋要
班挾持詭謀鼓扇凶焰落職管勾江州太平觀徽宗
立復待制知成德軍卒年六十七欽臣平生爲文至
多所交盡名士性嗜古藏書數萬卷手自讐正世稱
善本事蹟詳宋史本傳

參楊仲良長
編紀事本末

孫升傳

孫升字君孚高郵人第進士簽書泰州判官元祐初
爲監察御史擢中書舍人以天章閣待制知應天府
董敦逸黃廷基摭升過改集賢院學士紹聖初翟思

祐二

三

張商英又劾之削職知房州歸州貶水部員外郎紹
聖四年坐顯附元祐肆爲譏訕責授果州團練副使
汀州安置卒元符末追復集賢殿學士崇寧元年追
所復職入黨籍事蹟詳宋史本傳

參楊仲良長
編紀事本末

李周傳

李周字純之馮翊人登進士第歷通判施州州介羣
獠不習服牛之利爲辟田數千畝選謫戍知田者市
牛使耕軍食賴足神宗詔近臣舉士孫固以周聞召
對除京西提刑哲宗立召爲職方郎中改集賢殿修
撰卒年八十紹聖中追貶賀州別駕後復舊職事蹟

詳宋史本傳

王汾傳

王汾字彥祖

陳古靈集卷五

鉅野人曾祖禹偁宋史有傳父

同忠武軍節度判官熙寧六年右正言判國子監常

秩言回學術行義宜加旌勸詔錄汾為郊社齋郎後

第進士甲科治平三年召試館職元豐二年知河中

府坐收受蘇軾譏訕朝政文字罰銅二十斤元祐元

年為朝請大夫諸王府翊善進左中散大夫直秘閣

三年為祕書少監擢太常少卿王安石薨汾上書陳

述義理請賜惡諡以為後來之戒縉紳之論莫不多

祐二

三

汾中丞李常惡汾傷王氏疾之若仇及汾除右諫議

大夫常率全臺言汾口吃滑稽不任諫職汾亦自辭

四年為直龍圖閣知明州劉安世言汾並無過惡止

以口吃滑稽一二小事乃令報罷中外之論不以為

直尋召為祕書少監擢兵部侍郎遷祕書監五年為

兵部侍郎六年請外為寶文閣待制知齊州尋以中

大夫充寶文閣待制致仕紹聖三年以元祐之際附

會詆欺落職依前官致仕崇寧元年入黨籍通鑑長編參盡

言集宋大詔令楊仲良紀事本末

韓川傳

韓川字元伯陝人元祐中用劉摯薦爲監察御史進中書以龍圖閣待制守潁州與孫升同責由坊州郢州貶屯田員外郎分司岷州團練副使道州安置徽宗立復故官崇寧元年落集賢殿修撰管勾崇福宮入黨籍不得與在京差遣五年星變除黨籍知青襄二州卒事蹟詳宋史本傳

顧臨傳

顧臨字子敦會稽人神宗以臨喜論兵詔編武經要畧且召問兵對曰兵以仁義爲本動靜之機安危所繫不可輕也因條十事以獻元祐二年擢給事中紹

祐二

三

聖初以龍圖閣學士知定州徙應天河南府中人梁惟簡坐嘗事宣仁后得罪過洛轉運使郭茂恂徇時宰意劾臨與之宴集奪職知欽州紹聖四年又以附會黨人落職管勾洪州玉隆觀饒州居住卒年七十二徽宗立追復之事蹟詳宋史本傳

參楊仲良長編紀事本末

賈易傳

賈易字明叔無爲人七歲而孤母彭以紡績自給日與易十錢使從學易不忍使一錢每浹旬輒復歸之年踰冠中進士甲科元祐初爲太常丞遷左司諫與呂陶交攻遂劾陶黨附蘇軾兄弟並及文彥博范純

仁宣仁后怒出知懷州明年召拜御史上書言天下大勢可畏者五蘇軾守杭州訴浙西災潦易率其僚論軾姑息邀譽議者由是薄易出知宣州元符中累謫保靜軍行軍司馬邵州安置徽宗召爲太常少卿進右諫議大夫改權刑部侍郎歷工部吏部以寶文閣待制知鄧州入黨籍事蹟詳宋史本傳

呂希純傳

呂希純字子進公著第三子歷宗正太常祕書丞權太常少卿章惇旣相出爲寶文閣待制知亳州諫官張商英憾希純攻之力徙睦州歸州自京東而之浙

祐二

西

西自浙西而上三峽名爲易地實困之也公著追貶希純亦以屯田員外郎分司南京居金州又責舒州團練副使道州安置建中靖國元年還爲待制知瀛州改潁州入崇寧黨籍卒事蹟詳宋史本傳

曾肇傳

曾肇字子開建昌南豐人元祐初拜中書舍人七年爲吏部侍郎出知瀛州治實錄譏訕罪降滁州復集賢殿修撰歷泰州海州徽宗卽位復召爲中書舍人元祐臣僚被遣者咸以赦恩甄敘肇請併錄死者訓詞哀厚惻怛讀者爲之感愴遷翰林學士兼侍讀建

中靖國元年兄布在相位避禁職拜龍圖閣學士提
舉中太一宮未幾出知陳州歷太原應天府揚定二
州崇寧初落職謫知和州徙岳州繼貶濮州團練副
使安置汀州四年歸潤而卒紹興初謚曰文昭事蹟
詳宋史本傳

王覲傳

王覲字明叟泰州如臯人第進士熙寧中爲編修三
司令式刪定官哲宗立呂公著范純仁薦其可大任
權右正言進司諫上疏言國家安危治亂系于大臣
今執政八人而姦邪居半使一二元老何以行其志

祐二

五

哉因極論蔡確章惇韓縝張璪朋邪害正章數十上
相繼斥去覲在言路欲深破朋黨之說朱光庭訐蘇
軾試館職策問呂陶辨其不然遂起洛蜀二黨覲言
軾之辭不過失輕重之體耳若悉攻同異深究嫌疑
則兩歧遂分黨論滋熾夫學士命詞失指其事尙小
使士大夫有朋黨之名大患也帝深然之改右諫議
大夫出知潤州入拜刑戶二部侍郎紹聖初貶少府
少監分司南京又貶鼎州團練副使徽宗卽位還故
職遷御史中丞時任事者多乖異不同覲言堯舜禹
相授受堯不去四凶而舜去之堯不舉元凱而舜舉

之事未必盡同文王作邑于豐而武王治鎬文王關
市不征澤梁無禁周公征而禁之不害爲善繼善述
神宗作法于前子孫守於後至于時異事殊須損益
者損益之于理固未爲失也當國忿其言改爲翰林
學士知潤州罷主太平觀安置臨江軍覲持正論始
終再羅遺逐不少變無疾卒年六十八紹興初追復
龍圖閣學士事蹟詳宋史本傳

范純粹傳

范純粹字德儒以仲淹蔭積遷至贊善大夫出知滕
州元豐中爲陝西轉運判官哲宗立以直龍圖閣代

祐二

三

吳居厚爲京東轉運使盡革其苛政代兄純仁知慶
州時與夏分疆界純粹請棄所取地元祐中召爲戶
部侍郎又出知延州紹聖初御史郭知章論元祐棄
地事降直龍圖閣明年復以寶文閣待制知熙州歷
渭州旋以元祐黨人奪職知均州徽宗立起知信州
復故職知太原再臨延州改知永興軍尋以言者落
職知金州提舉鴻慶宮又責常州別駕鄂州安置錮
子弟不得擅入都會赦復領祠久之以右文殿修撰
提舉太清宮黨禁解復徽猷閣待制致仕卒事蹟詳
宋史本傳

呂陶傳

呂陶字元鈞成都人蔣堂守蜀延多士入學親程其
文嘗得陶論集諸生誦之曰此賈誼之文也陶時年
十三一座皆驚由是禮諸賓筵元祐初擢殿中侍御
史首獻邪正之辨遷中書舍人俄以集賢院學士知
陳州徙河陽潞州奪職再貶庫部員外郎分司徽宗
立復集賢殿修撰知梓州致仕卒崇寧元年入黨籍
事蹟詳宋史本傳

祐一

毛

元祐黨人傳卷第三

誥授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級

臣陸心源纂

曾任待制以上官

王古傳

王古字敏仲莘縣人曾祖旦父靖宋史有傳古第進士力學自進才名顯于時熙寧八年爲司農寺主簿相度淮東役法時兩浙缺雨古因便體量災傷當賑濟州縣以聞奏言淮浙旱蝗私家無積乞豫爲備先是華亭縣邵奇訴張若濟修河冒賞受呂惠卿鄭厲

祐三

一

請強奪民田命古究治劾惠卿黨轉運使王庭老張覲不公失職皆罷之九年遷大理寺丞提舉兩浙常平未幾改提舉開封府常平元年改將作監主簿言義倉之法設于畿邑已見不擾請下提舉司視諸路稅役錢欠闕不及三分者先推行之

通鑑長編二百九十四年

丁憂服除提舉京東西路常平因奏事頗言常平法不便王安石欲用爲太常丞神宗謂古好異論止以爲太常博士五年遣祭原武婦靈濟夫人廟六年加上仁宗英宗諡因升祐四后神主其事則殊其爲宗廟人上二帝徽號升祐四后神主其事則殊其爲宗廟人

禮一也今陞祔不發冊則大慶廷授上公載輅儀衛鼓吹等亦皆緣此而罷止於太廟有司攝事而已則加號之禮顯陞祔之事隱蓋發冊之禮雖爲祔廟之節文而陞祔之重乃由發冊而後顯今旣行陞祔而反廢其重禮恐萬方觀聽或有以輕重議朝廷者矣或謂故事用冊者皆以改上尊諡或字有增損之故今四后諡無所改則不可用冊然臣以爲郊廟用冊其事多矣非必至於增改諡號而後可爲今自別廟而陞始正帝后同室之位決歷世之疑議舉宗廟之大禮據經稽古至陛下而後定其事至重顧使減於

祐三

二

諡號增改使有司止以常祝告廟此臣所以疑而未敢決臣愚以爲朝廷苟欲姑徇禮官之議今不用冊則乞稽參典故凡行禮之節務致隆極使較然以異於常享庶幾上副致嚴宗廟之意出爲湖南轉運判官提點淮東刑獄體量淮南及京東路災傷元祐元年召爲吏部員外郎歷工部郎中顧臨由給事中拜河北轉運使古與蘇軾李常言臨天資方正學有根本宜畱左右以補缺遺尋爲右司員外郎劉摯以古旣非強明又不勤敏五年易祕閣校理尋遷太府少卿奉使契丹其時北使所過凡供張悉貸于民古請

出公使錢爲之民得不擾七年爲秘書少監八年兼
國子祭酒尋爲起居郎紹聖初遷戶部侍郎詳定役
法與尚書蔡京多不合京言臣欲用元豐人額雇直
而古乃用司馬光法詔徙古兵部尋以集賢殿修撰爲
江淮發運使言者論其常指平歲爲凶荒妄散邦財
充寶文閣待制知廣州四年坐謝表誕妄締交合黨
奪職知袁州建中靖國元年復拜戶部侍郎遷尚書
與御史中丞趙挺之用赦恩理逋欠古多所蠲釋挺
之劾古多所蠲除傾天下之財以爲私惠不可用改
刑部攻不已以寶文閣直學士知成都府崇寧元年

祐三

三

降授朝散大夫管勾崇道觀三年再貶衢州別駕温
州安置入黨籍尋移徐州五年敘復朝請郎管勾明
道宮古名臣之後出將使指入造省闈祕府之校文
卿寺之副貳率有顯譽久而益彰紹興中盡還合得
恩澤

宋史顧臨傳參通鑑長編宋大詔令繫年要錄
紀事本末王魏公集卷三蘇轍城集呂淨德集

豐稷傳

豐稷字相之明州鄞人神宗召對除監察御史元祐
八年拜吏部侍郎出知河南府加龍圖閣待制連徙
六州徽宗立以左諫議大夫召道除御史中丞論蔡
京奸狀蔡京得政修故怨貶海州團練副使道州別

駕安置台州除名徙建州稍復朝請郎卒建炎中追復學士諡曰清敏事蹟詳宋史本傳

張舜民傳

張舜民字芸叟邠州人司馬光荐其剛直敢言以館閣校勘爲監察御史進祕書少監知陝潭青三州徽宗立擢右諫議大夫居職十七日所上事已六十舉旋以龍圖閣待制知定州改同州坐元祐黨謫楚州團練副使商州安置復集賢殿修撰卒紹興中追贈寶文閣直學士事蹟詳宋史本傳

張問傳

祐三

四

張問字昌言襄陽人熙寧末知滄州自新法行問獨不阿時好歲飢爲帝言民苟免常平助役之苦反以得流亡爲幸切直驚人元祐初爲祕書監給事中累官正議大夫卒事蹟詳宋史本傳

楊畏傳

楊畏字子安其先遂寧人父徙洛陽擢進士第刻志經術以所著書謁王安石呂惠卿爲郢州教授自是尊安石之學元祐初請祠歸洛嘗曰畏官夔峽雖深山羣獠聞用司馬光皆相賀呂大防劉摯爲相用爲工部員外郎擢殿中侍御史助大防攻摯十事摯罷

蘇頌爲相畏復攻頌頌罷畏欲蘇轍爲相宣仁后召
范純仁畏攻純仁畏本附轍知轍不相復詆轍其傾
危反復如此遷禮部侍郎首背大防稱述熙豐政事
興安石學術哲宗信之遂薦章惇呂惠卿可大任惇
入相畏遣所親陰結之惇至徙畏畏吏部尋以竇文閣
待制知真定府天下目爲楊三變謂其進於元豐顯
於元祐遷於紹聖也尋落職知虢州入元祐黨後知
郢州復集賢殿修撰知襄州移荆南提舉洞霄宮未
幾知鄧州再丐祠主管崇禮觀政和二年洛人請封
禪嵩山畏止疏極諛佞方治行得疾卒事蹟詳宋史

祐三

五

本傳

鄒浩傳

鄒浩字志完常州晉陵人元祐中擢右正言蹇序辰
看詳元祐章奏公肆詆欺輕重不平浩言初時但分
兩等語及先帝並語言過差而已今所施行混然莫
辨願加省察章惇獨相浩所言每觸惇忌賢妃劉氏
立浩言萬世公議可畏惇詆其狂妄乃削官羈管新
州徽宗立亟召還尋遷兵吏二部侍郎蔡京用事再
責衡州別駕竄昭州五年始得歸稍復直龍圖閣章
疾作卒高宗卽位復待制贈寶文閣直學士賜諡忠

事蹟詳宋史本傳

陳次升傳

陳次升字當時興化仙游人初入太學學官以王安石字說訓諸生次升曰丞相豈秦學耶美商鞅之能行仁政而爲李斯解事非秦學而何坐屏斥熙甯六年第進士元豐末以黃履薦爲御史紹聖二年轉殿中論章惇蔡卞植黨爲奸京卞與次升同鄉里故延置憲府欲使出力爲助而一無所附惇卞交惡之謫南安軍徽宗立召爲侍御史極論惇卞曾布蔡京之惡遷右諫議大夫崇寧初以寶文閣待制知潁昌府

祐三

六

降集賢殿修撰繼又除名徙建昌編管循州政和中用赦恩復舊職卒事蹟詳宋史本傳

謝文瓘傳

謝文瓘字聖藻陳州人進士甲科元豐中疏言新法虐民哲宗時黃履薦爲主簿除祕書省正字考功右司員外郎徽宗立擢起居舍人給事中崇寧元年出知濮州尋治黨事坐元豐上疏及詣呂公著書謫邵武軍移處州帝披黨籍曰朕究知文瓘本末出籍以爲集英殿修撰知濟州卒事蹟詳宋史本傳

岑象求傳

岑象求字巖起四川梓州人舉進士學有本原持心
近厚熙甯中累官梓州提舉常平施註蘇詩
參藥城集元祐二

年知鄭州言自宋用臣興置水櫃以來元未嘗以汴
水灌注清汴清汴流水自足不廢漕運乞盡廢水櫃

以便失業之民長編三百
三十八尋改提點和州刑獄四百
四

四年以朝奉大夫爲考功郎中四百
三十五五年以蘇轍孫

升薦爲殿中侍御史十月奏知青州王安禮謾昧商

稅侵擾機戶貪饕不法四百
四十又言臣今月七日具狀

言知青州王安禮在任踰濫不法乞行根治尋蒙朝

廷改差知蔡州更不推鞠其罪臣竊以爲朝廷行之

祐三

有所未當也何則君之於臣進退黜陟必須揭其賢
否功過明示於朝此所謂與衆共之不自私於一人
也今大臣有罪於法當付有司按劾而朝廷止降守
次等藩郡又不禡其職名不惟在朝廷之士未之信
服仍使被彈之人以爲曖昧不平歸過言者足以藏
庇姦迹文飾穢行也臣竊見嚮者蒲宗孟在鄆州止
因禁戢賊盜用刑太峻朝廷奪其職授以郡守宗孟
戢盜峻刑比安禮踰濫不法公私之際所犯不倫而
原情降罰輕重如此朝士未之信服豈足怪哉伏乞
聖慈特降睿旨速行按治顯賜黜責以符天下公議

四百四 又與蘇轍言尙書右丞許將用心傾險議論
十九 反復將補外又言南省考試分卷取人又五路別立
額奏名頗濫又言近歲太學諸生無叩問師資之益
學官不以訓導爲己任祕書省則多務燕閒少親校
讐請立訓導之法校讐之課詔禮部詳度以聞十二
月奏言臣讀孟子至於禹抑洪水周兼夷狄孔子作
春秋以懼亂臣賊子欲正人心息邪說以承三聖嘗
三復其言知楊墨之教與洪水夷狄亂臣賊子異致
同害而軻之排異反正其功亦不後於三聖也何者
天下之害莫大於無形而有形者次之有形者淺而

易見無形者深而難知洪水夷狄亂臣賊子有形者
也楊墨之教無形者也洪水不抑則民死於水夷狄
不制則民死於兵亂臣賊子不去則民死於亂楊墨
之道不息則民無父無君胥爲禽獸尙三死之不若
也嗚呼楊墨之教止行於衰周之時而佛老之禍至
今數千年矣楊墨之罪止在於誣民而佛老之徒困
民以自封亦數千年此其爲害又非特洪水夷狄之
類也其害非特洪水夷狄而學周孔者皆忽略而不
顧無一人出力而排之非特不能排之又相與屈身
而尊事之增其高益其深使其盛大繁衍自以爲莫

已若甚可怪也臣謂其害之大者有三焉可爲流涕者二可爲太息者一而執事大人曾不以爲慮焉不耕而食不織而衣出入百用一取足於民往往蕃貨賄擅商賈農民之利田疇跨州縣委積如京坻窮奢縱欲不知紀極使吾民日削月朘寢以窮匱有不得糟糠藍縷以實腹蔽體者焉今年作某宮明年造某寺以葺以造歲無虛日使土木被金玉衣文采陸離眩轉功侔鬼神天下名山勝地皆據而有之使吾民庇茅茨暴支體有不得聚廬而託處者焉此可爲流涕者一也不知禍福之原而虛示天堂地獄之變不

知性命之吉而妄肆高仙下鬼之論日夜鑄論鼓動流俗使人輸五穀以爲之食奉絲麻以爲之衣毆子弟以爲之童奴彼其割口體之奉捐骨肉之愛者非樂於飢寒而無愛親之意也持善不固動作有所未正故惑其言信其事恐禍之及其身而未嘗有人以中國禮儀之說開其所蔽而然也見王侯公卿大夫居其上者皆敬畏承事之無一人出片言以道其非是安得不悅而從之小以徼福於今生與來世大以冀出離生死故近者競出疏日就太學生員掠錢而太學生員至有秋試不中捨儒業而事之者用夷變

夏無甚於此法雲僧亡而士大夫及其妻女有相率
哭臨之者風俗口惡無甚於此是二者皆不祥之道
此可爲流涕者二也祖宗時天下道士常近二十萬
僧常近四十萬其童奴倍焉今雖不逮於此而京師
列郡既有歲度之數又有撥放之目使游手惰足之
輩離鄉輕家爲之服役歲月既深則受牒易衣遂終
身安逸矣南畝之民終歲勤苦猶不免於飢寒宜其
去此而就彼也故釋老益衆農夫益少一夫耕而數
百人食之一婦蠶而數百人衣之農何爲不感歉民
何爲不困與此可爲太息者一也三者之害沉涵漸

漬牢固深結其甚如此奈何益尊崇而張大之乎昔
章聖皇帝恭儉寬慈子養黎庶仁深澤曰民到于今
頌之曰以天下無虞符貺屢至故談道家之說曰
□□□□爲工役衆募年而後成曾□□□□□而
作當□□□□□□由是無餘矣臣傳聞章聖皇
帝在御李沆爲宰相王旦爲參知政事旦一日謂沆
曰每見相公四方奏祥瑞卽便收之奏災異卽須數
陳恐上誤聖意沆曰今天下無事慮聖人無所用心
萬一事四夷惑佛老恣酒色三事中如有一事卽可
憂也沆老矣但恐同年將來費力後旦爲宰相上聽

道家之說起玉清昭應宮東封西祀幸亳社祠老子及迎奉天書等旦不能諫正但畫李沆像供養而已其後上清玉清昭應宮福聖護國二塔集禧醴泉二觀興國青黃二閣乾明崇夏開寶三寺並遇大災琳宮紺宇皆化爲煨燼以是度上天之意固有所在矣臣伏見陛下不以上天警戒爲念復起上清儲祥宮內捐十六七萬緡以給其費訖今錫與未已又給修宮殿巨材以爲之用雖遂事不諫然臣深爲陛下惜之也何則十六七萬緡中人千家之產也以濟邊用則邊有遺糧以遺貧民則民有餘食漢文以十家之

祐三

七

產罷露臺而陛下以千家之產爲無益之事臣安得不爲陛下惜之哉國家自太平興國至天聖間屢詔天下普度僧人無圖之流皆得隸名僧籍而僧之爲盜賊冒刑禁者不可勝計故張知白奏言臣向嘗斷劫盜有全是僧徒者于時仁祖有宜漸加澄革之言惜乎聖旨有其意而臣下不能推明而奉行之也國家崇奉佛老不爲不至未嘗享其小利而天下陰受其大害而不知覺可不念哉抑又聞建隆初太祖嘗詔天下凡寺觀之廢於顯德者不得更興雍熙中太宗嘗詔天下鄉村不得創修寺觀天禧中眞宗嘗詔

公主貴戚近臣不得以建寺爲請祖宗之深計遠慮如此其至今縱未能行沙汰之法歐天下僧道歸之農畝亦當思祖宗之美意止其泛濫於未流也臣愚以爲宜立崇飾塔廟之禁罷兩府貴戚得造寺度僧之制裁歲度撥放之額立常住計口占田之限凡寺觀僧道少者併之其頽弊者毀之明詔中外諭以至意自然天下百姓循服五常之教不爲異物所遷而游惰者日少耕墾者日衆倉廩充實而風俗歸厚矣佛老之徒見臣詆之深切必謂臣不曉其師之說而妄加毀訾焉臣之所言非毀釋迦老聃也蓋斥其徒之

祐三

主

誕妄陰害天下之民而已臣請就其說而言之夫佛之理有二焉有藏教有禪宗所謂藏教者臣嘗觀而詳味之矣雖卷帙浩穰詞說繁猥然可以一言蔽之無出於空寂不動而已蓋西方謂寺爲伽藍伽藍者華言所謂靜住也謂其徒爲僧隨僧隨者華言所謂乞士也稱其居爲靜住目其人爲乞士則佛所以責其徒者何如哉今不能精進戒律篤修行業而乃多求厚藏享美饌衣鮮衣獵吾民之財以奉其身而嚴飾其居處是大違戾其師之說也所謂禪宗者臣嘗周詢而深究之矣雖言辭深隱旨趣幽微然可以一

理要之不過於圓通無着而已蓋欲不起一念不依
倚一物不與萬法爲侶此其極至也今其徒不能泯
思慮忘形骸虛心以會道而乃雞鳴而起孜孜然馳
驚於聲利之場唯恐人之不我信嚮唯恐人之不我
資給是大違戾其師之□□□□之言雖亦甚變然
老聃止有玉□□□□□□□□□□反神仙羽化
之事其他皆黃衣之徒滓淺誕□□□廣其衣食之
源而已是尤不足信者也夫神仙羽化之事□出於
傳聞天下之人固未嘗見也安足信哉且黃衣之徒
□不及釋氏弟子以綴緝言詞竊相摸倣故僧云南

祐三

三

無西方而道云歸命東方僧云極樂世界而道云逍
遙世界其詭譎虛□□皆是也臣觀老子之道大要
不過清靜無爲而已老子言清靜無爲則是與佛之
圓通無着同其大旨也佛之言圓通無着則是與孔
子之寂然不動感而遂通天下之故同其大旨也其
道旣本於清靜無爲圓通無着則尙安俟於紛口外
飾邪昔唐久視中欲鑄大像使天下僧人日施一錢
以□不□國用而狄仁傑諫之謂王不使鬼必是役
人物不天來皆從地出睿宗造寺而辛替否諫之謂
佛教以清靜爲□□□爲主故嘗體道以濟物不爲

利欲以損人常去已□□□不爲榮身以害教三時
之月掘山穿地損命也殫府虛□損人也廣殿長廊
榮身也損命則不慈悲損人則不濟物榮身則不清
靜豈大乘之心乎公主外戚造寺度人姚崇諫之□
□不在外近在於心但發心慈悲行事利益則卽是
佛身□□妄度姦人令壞正法彭偃議澄汰佛道二
教而謂佛之□□清靜無爲若以色見卽是邪法天
生蒸民必將有職遊行□食王制所禁今天下僧尼
不耕不織廣作危言險語以惑□□一僧衣食歲計
三萬有餘五丁所出不能致此舉一□□□天下□

祐三

古

□可知四人之□□著明深切可爲至戒其爲□者
不可悉陳至於禍福吉凶則遠近大小各以類至未
有□因行□是吾而待之者也六□不降六極不臻
天下曠然爲□其生優游無爲垂收後□是天子之
福也職修事舉譴罰不加是百吏官人之福也事父
母育妻孥安分守業身無禍殃是士庶人之福也四
者爲福雖吝而所以取之則一曰修身謹行而已禍
福之應既在於人則天莫得而私之矣天且不能容
私於其間而況於佛老歟況佛老之徒歟靈宗迎佛
骨供養於內而韓愈力陳歷代有佛無佛及其享生

長短以諫仍指其骨爲凶穢之餘傳奕請去佛教而曰佛是胡中桀黠欺誑夷俗皆邪僻小人模寫莊老微言文飾妖幻之教於國家有害二人論佛教近於詈矣以佛威神之力二人宜天橫短折坎坷以死而卒以壽命晏然而終何也蓋其論公天下而言非以逞其私也佛果有威神之力妄能降禍於公論無私之人哉昔者三代之盛時道行而俗純美國富而民和樂當此之際固未嘗有佛老也天下百姓唯知有堯舜五常之教無異端之說惑亂其意而耗蠹其生是以至於此也梁武皇帝信人天因果之論起寺度

僧窮極盛麗大設齋會推行教文以至捨身給事欲僥取福利卒不免臺城之禍則爲善果不在於供僧道事佛老矣凡有所動作涉於形相皆有爲之法而一切有爲之法佛譬之夢幻泡影蓋言其非真實也言其易散滅也言其不可依據也由是論之佛之教人豈在於營造供事之間哉黃老之教人亦無異於此也今國家以二聖降誕節及祖宗忌辰凡有所禱請無不集緇黃鼓鐘磬饒鈸設幡幢誦持歌唄歸敬於二教甚非先王之法也以爲子孫臣下推奉先報本之意而奉先報本之意果在於此乎若更以爲必

能感神致福則萬無此理近歲朝廷減出賣祠部皮牒而增其直若非二聖知道愛民何由及此然貴戚妃后之家起造寺觀莫知其數如曹逸起休糧道者院張敦禮建法雲寺皇親蓋洞真宮勅修開寶寺乾明寺殿相國寺東塔之類以至天下郡縣營造不可悉記土木之功所在甚盛若不禁止稍行減廢則興作耗蠹無有窮極將不勝其弊矣臣願陛下思周孔之格言行堯舜之常道體老子清靜無爲之理而損宮觀章醮之繁儀原釋氏圓通無着之意而裁寺宇齋會之末節勿以臣之淺陋而廢其言將臣此疏下

祐三

六

兩禁儒臣博議采臣上所陳六說詔有司行之是將陰獲大利於天下矣決數千年之疑惑減億兆人之耗蠹使法垂後代名播千古在陛下思之而已狷直之言上瀆聖聰罪當萬死幸陛下裁赦

諸臣奏議

六年言

長垣令孫述決無罪被水百姓柳閭限內死有司按實述避罪翻異請再鞫無差遇赦不原從之又言右

朝奉大夫宋彭年向知邢州穢濫不檢郡政頽廢

長編四百

五又言王安禮平生猥濫至老不悛典領雄藩爲惡

尤甚近穢職名若及豐年還後仍舊乞放歸里或安置散官尋避蘇轍親爲金部郎中

四百五十五

改吏部郎

中爲兩浙轉運副使賜米二萬斛錢二十萬緡賑濟

災民四百六十七年召爲戶部郎中徽宗卽位以潛邸舊

勞除寶文閣待制知鄆州未幾以疾告充寶文閣待

制致仕象求力行素學老而彌堅鄉道崇寧三年入

黨籍初熙寧末象求閒居江陵披閱載籍見善惡報

應事輒刪潤而記之爲吉凶影響錄十卷晁公武郡齋讀書志

周鼎傳

周鼎字元祐七年累官左朝請郎刑部

員外郎長編四元符元年朝奉大夫大理少卿長編

四十九二年蹇序辰爲賀北朝生辰使違例受擡箱絹

祐三

七

馬谷十匹命鼎就寺置司推究長編五尋擢集英殿

修撰刑部侍郎英宗王皇后爲巨闥誣以闇昧命鼎

卽祕獄參驗略無一迹宋史王皇后傳崇寧初降授朝奉大

夫直龍圖閣知濟州尋坐爲刑戶部官朋附奸臣倡

寬縱之說刪改元符敕條落職依前官知郢州九朝備要

廿六崇寧三年坐元符末上書邪中第三十二人入元

祐黨籍大觀二年出籍長編紀五年贈徽猷閣待制

制曰朋黨之論不聞于帝王盛時而起于漢唐之季

世夫舉賢才之士以黨名之其效至于戎馬生郊中

原板蕩旣往之禍豈不痛哉朕用懲之是以盡湔沉

寃激勸百寮爲永世之戒鼎秉心端亮盡言無諱受
材肅給所至有聲昔蒙邪慝之名今見忠良之實西
清次對追賚九泉尙其有知服我休命繫年要錄一
百九十二

徐勣傳

徐勣字元功宣州南陵人哲宗見其文獎諭之未及
用徽宗立擢寶文閣待制遷中書舍人時紹聖黨與
尙在朝人懷異意以沮新政與蔡京同校五朝寶訓
勣固辭奏京之惡引盧杞爲喻遷給事中翰林學士
俄而遭憂京入輔執中亦預政摘勣行章惇詞以爲
詆先烈服闋主管靈仙觀入黨籍起知江寧府言者

祐三

丈

復論爲元祐姦朋罷歸大觀三年知太平州加龍圖
閣直學士留守南京除顯謨閣學士致仕卒贈資政
殿學士事蹟詳宋史本傳

路昌衡傳

路昌衡字持政開封祥符人紹聖中召爲衛尉少卿
俄以寶文閣待制知開封府累知成都徽宗立應詔
上書俄坐李清臣獄事責司農少卿分司居郢州明
年起爲滁州徙南京留守坐前上書事落職入黨籍
卒宣和五年贈龍圖閣學士事蹟詳宋史本傳

董敦逸傳

董敦逸字夢授吉州永豐人元祐六年召爲監察御史言蘇軾蘇轍相爲表裏以紊朝政罷爲湖州通判改知臨江軍紹聖初復除監察御史論常安民爲二蘇之黨遷左司諫明年出知興國軍徙江州徽宗卽位召爲左諫議大夫極言蔡京蔡卞過惡遷戶部侍郎卒事蹟詳宋史本傳

上官均傳

上官均字彥衡邵武人元豐中蔡確薦爲監察御史裏行哲宗卽位擢開封府推官元祐初復爲監察御史論青苗以爲有惠民之名而無惠民之實蔡確弟

祐三

无

碩盜貸官錢萬計獄旣上均請正確罪遷工部員外郎知越州徽宗立入爲祕書少監中書舍人知永興軍徙襄州崇寧初與元祐黨籍奪職主管崇禧觀政和中復集賢院修撰提舉洞霄宮久之復龍圖閣待制致仕卒事蹟詳宋史本傳

葉濤傳

葉濤字致遠處州龍泉人進士乙科爲國子直講虞蕃訟起坐受諸生茶紙免官濤王氏壻也卽往從安石于金陵學爲文詞哲宗立上書自理得太學正紹聖初司馬光責官濤爲制詞極醜詆擢中書舍人安

熹降學士濤封還云不宜加罪蔡京劾爲黨罷知光州連三黜曾布引爲給事中居數月而病以龍圖閣待制提舉崇禧觀卒事蹟詳宋史本傳
郭知章傳
郭知章字明叔吉州龍泉人以鄭雍顧臨薦爲監察御史哲宗親政上書請用淳化天禧詔增諫官員遷殿中侍御史請罷制科復元豐役法大抵迎合時好權工部侍郎坐主導河東流知和州徽宗立曾布用爲工部侍郎拜刑部尚書言者又論河事罷知鄧州旋入黨籍數年復顯謨閣直學士政和初卒事蹟詳

祐三

三

宋史本傳

楊康國傳

楊康國魏人第進士材具修整應物知務累官朝奉郎御史臺檢法官元祐二年以胡宗愈薦除監察御史疏言蘇軾撰到召試廖正一館職策題問王莽曹操攘奪天下難易莫不驚駭相視時臣未有言責徒自震恐未必無人爲陛下言不可之狀致朝廷尙稽竄責今幸擢置言路豈敢畏避緘默孤負且石勒一僭僞之主猶曰終不學曹孟德司馬仲達狐媚以取天下臣爲人臣不忍盡道石勒之語王覲論胡宗愈

不可執政內批落諫議大夫與外任康國言一二年
來陛下略不優假言路去年逐張舜民今歲又罷王
觀皆緣論及執政而歲歲逐諫官望追寢罷觀之命
三年九月以劉安世言與執政瓜葛之戚改權發遣
開封府推官遷工部員外郎五年復爲監察御史劉
摯乞外任康國奏言臣竊聞門下侍郎劉摯避寵辭
榮懇求外郡傳播京都人情上下莫不驚駭蓋摯高
材遠識公正不倚有以大過人者此不獨天下所共
知亦爲陛下所知久矣故自侍御史再遷爲執政三
四年間徧歷三省公望益隆自以眷厚責深勇於求

祐三

三

退雖於摯爲美於人爲難其在朝廷事體甚重豈可
輕聽其去臣聞楊綰居廟堂人心自化汲黯在朝淮
南寢謀是則德望大臣進退出處實繫國家休戚安
可不謹臣愚職在言責乃陛下耳目之官有所見聞
豈敢避罪畏縮而不言也伏望押摯依舊入省與二
三執政協謀同輔共致太平天下幸甚尋擢殿中侍
御史改左司諫章衡除集賢殿修撰知襄州康國言
衡污行醜名著聞天下語其惡穢之迹君父之前不
敢縷陳豈可以歲月敘遷進兼清職況郡守之寄師
表千里民所取法考衡素履所至之郡識者見之莫

不訝朝廷差任之失愚民見之則曰郡守尙爾我何爲而不可當見夫不夫婦不婦男不男女不女矣伏望追寢新命以清朝論六年資政殿大學士前知青州王安禮移知蔡州以言官彈奏青州任內不法事得實移知舒州康國奏言安禮自小官以至大用自謂姦雄所至恣橫前任柄臣已坐濫違罷去年持帥節又以贓污著聞猶敢公肆姦言文飾罪戾足見凌蔑法度侮慢朝廷大臣若斯可不深治而乃止令遷易自蔡移舒在安禮無一毫之損士論沸騰莫不竊議或謂朝廷優異大臣特屈常法臣雖至愚實所未

祐三

三

喻如此施行恐非所以示天下至公也況安禮素無禮義必不謂朝廷屈法以爲恩當謂曲見牢籠而愈橫若方鎮大臣又有如安禮之不法者不知朝廷將治之乎又將貸之乎若將治之則何行之於彼而不行之於此若將又貸則臣恐自此以往方鎮大臣更相倣倣以玩陛下之法矣苟況以謂法者治之端足以輔德而弼教陛下深居九重垂衣拱手雍容指揮而天下莫不傾聽承命遵守詔令而不敢須臾違者以其畏朝廷之法耳今法不行而務寬貸使天下何所畏憚恐非朝廷之福也且法行則朝廷尊不行則

紀綱壞漢賈誼曰先王執此之政堅如金石行此之令信如四時據此之公無私如天地是法豈可以不行也奈何爲一安禮而特屈陛下之法哉伏望正安禮之罪褫奪職名使自循省以誠天下不法之吏詔落安禮職仍知舒州尋兼權給事中蘇轍除尙書右丞康國奏言睽乖不共事睚眦不同室其勢然也故自聖朝祖宗以來官吏之有嫌隙不和者率許相避蓋其情終不可以強同而適足以敗事故也且以近事言之昨賈易懷州上謝表言蘇轍持密命以告人志在朋邪而害正後易爲殿中侍御史轍爲御史中

祐三

三

丞不可以同處臺中朝廷遂罷易出爲淮東提刑近日中書侍郎傅堯俞同知樞密院事韓忠彥因理會職事而轍彈奏堯俞等以爲無禮無儀見欺自解欲擅威權互相紛爭而又旁及呂大防劉摯蘇頌當時士論不平皆謂彈奏不當致使堯俞等居席不安紊煩天聽乞解機務幸賴陛下體察宣押堯俞等依舊供職彈墨未乾遽擢轍與堯俞等同參大政且轍與易臺中尙不并處況廟堂之上動繫天下安危豈可與堯俞等共事哉有此未安所繫甚大所有畫黃未敢行下謹具封還伏望精賜裁處又言臣僚累具彈

奏尙書右丞蘇轍不可爲執政者其事有六至今未蒙聽納臣自惟遭遇陛下不以臣不肖擢臣置之諫垣者度陛下必欲激臣懦衷使之夙夜恐懼日思所以圖報也今豺狼當路姦惡在朝臣若持祿取容畏憚緘默不爲陛下言之則是臣有負陛下任使矣臣何面目復見陛下乎此臣所以甯犯顏竭忠而死不願箝口持祿而榮萬一開悟聖聰屏去姦惡朝廷清明聽斷無惑召來和氣天下大安豈獨愚臣倦倦之望朝論上下端人正士以朝廷爲憂者莫不有此望也轍有六事而陛下不以爲過此恐陛下以轍兄弟

祐三

三

並有文學所以眷獎之厚而用轍之堅也果如此則尤不可也陛下豈不知王安石章惇呂惠卿蔡確亦有文學乎而所爲如此若謂轍兄弟無文學則非也蹈道則未也其學乃學爲儀秦者也其文率務馳騁好作爲縱橫捭闔無安靜理致亦類其爲人也比王安石則不及當與章惇蔡確呂惠卿相上下其所爲美麗浮侈豔歌小詞則並過之雖轍亦不逮其兄矣兄弟由此故多得名於戚里中貴人之家其學如此安足爲陛下謀王體斷國論與其緝熙天下之事哉王安石以文學進而天下擾擾此陛下之所知也當

時呂誨大奮忠義屢疏安石謂亂天下者必此人也
又曰必無安靜之理皆果如其言此亦天下所共知
也陛下若悅蘇轍文學而用之不疑是猶又用一安
石也轍以文學自負而剛狠好勝則與安石無異矣
安石進而韓琦富弼司馬光不能並處相繼罷去何
哉蓋趨向不同而所見者異也正人皆去故安石得
以援引同類則呂惠卿章惇蔡確接迹居廊廟故天
下擾擾此亦陛下之所知也今陛下顧轍之厚而用
轍之堅臣恐宰執之間自非貪榮苟祿有如韓琦富
弼司馬光之人不能與轍並處有相繼而去者矣又

祐三

姜

況復有睚眦者乎則轍於私計得行援引朋邪又如
安石之引惠卿惇確其處廟堂則天下之事又不可
知也此皆治亂所繫非同尋常彈奏庶官違法害公
之事而已臣今所言上可以繫朝廷安危下可以繫
生民休戚此事甚大不可不慮也臣是以忘身捐命
不避禍患而爲陛下言之惟望陛下斷自宸衷早賜
罷轍則天下幸甚轍疏辨並許康國康國罷爲吏部
員外郎中書舍人鄭雍繳還詞頭改郎中康國乞外
補除知磁州旣而韓忠彥劉摯謂此除不平遂改衛
州康國復自言昔官于衛死亡者五願換相或懷因

再改相州以祠部郎中移知蘄州改京東路轉運副使康國由貧賤輟耕讀書爲御史諫官出奉使指議論政事爲朝廷聞人崇寧三年入黨籍

通鑑長編參劉摯忠肅集

龔原傳

龔原字深之處州遂昌人少與陸佃同師王安石哲宗卽位爲太學博士兩浙運判紹聖初召拜國子司業遷起居舍人權工部侍郎出知潤州徽宗初入龔祕書監歷知廬州陳瓘擊蔡京原與瓘善或謂原實使之奪職居和州起爲亳州命下而卒

朱紱傳

祐三

吳

朱紱字君貺福建仙遊人與同郡黃隱傅楫皆以詞賦名治平四年登進士甲科元祐二年以李常孫覽等薦除王宮大小學教授紹聖初章惇當國貶斥元祐諸臣紱被旨召對首陳正心誠意知人安民之說遷諸王宮侍講四年再遷翊善元符元年改都官員外郎鄒浩以諫劉后事竄新州貧甚紱率親舊贖行事聞下臺鞫治以紱贖特厚追一官勒停徽宗卽位起用藩邸舊臣累遷右諫議大夫給事中時范純禮劉安世呂希哲張舜民屏黜在外紱悉爲論列馬涓送吏部與入差遣紱謂涓臺官兼進士第一人無他

過犯送吏部非崇重臺官之體紱在後省凡四閱月
論駁無虛日政府遣人諭意紱不爲動會蔡王似府
史以語言指斥送大理寺推治似上表待罪左司諫
江公望論救黜知淮陽軍紱論駁再三以忤旨出知
壽州崇寧元年進寶文閣待制知成德軍兼眞定府
路安撫使先是蔡京欲築木蘭陂渠以應畿詭言引
水溉田請於朝及紹述說興紱遣書責京曰寒族居
莆者爲築陂傾產雖爲莆亦爲公也自陂成以來公
家父子兄弟布滿朝廷未必非鍾靈蘭水力宜建樹
不朽爲梓里增光而公由開封厯承旨轉僕射皆爲

祐三

七

美官諸所建明殊損威望令弟樞密公爲荆公名坦
濡染學術乃中傷善類酷於章惇長公子少保君常
盡感宸衷諸少公子侍郎君駙馬君侍讀君協謀相
濟天下之人盡皆切齒殆非所以報効國恩培植家
慶而赫濯地靈也近者太后還政新天子銳意太平
而僉黨倡紹述熙豐之議彼爲是議者豈眞毫髮爲
朝廷計哉特借是以圖權位復恩怨爾自公秉政中
外屬望今乃持之益堅行之益力是知有私恩不知
有國恩知肆情得意取快一時不知基禍異日貽穢
青史爲可畏也京怒喊御史中丞石豫劾紱與王回

鄒浩合黨落職提舉杭州洞霄宮入元祐黨籍五年以星變政除黨禁起知復州蔡京復相緩遂罷大觀元年依舊落職贈少保

通鑑長編揚仲良紀事本末參福建通志

葉祖洽傳

葉祖洽字敦禮邵武人元祐初歷職方兵部員外郎紹聖中爲左司郎中曾布用事以吏部侍郎召韓忠彥不可改竇文閣待制知青州未赴布引爲吏部祖洽與曾布厚人目爲小馴狐布罷出知定州且行大言於上徽宗怒其躁妄降集賢修撰提舉冲祐觀自是不復用久之知洪州改亳州加徽猷閣直學士政

祐三

三

和末卒事蹟詳宋史本傳

朱師服傳

朱師服海州人紹聖四年任禮部侍郎中書舍人坐與蘇軾往來五年責授海州團練副使安置興國軍入黨籍崇寧五年移秀州紹興三年追復集英殿修撰五年師服孫迪功郎秉文乞復未責降以前從官職名再復竇文閣待制己而有以白劄子遣趙鼎者并以師服賀改元及謫官謝表上之有曰首元祐之謫籍二紀于茲尾神考之從班一人而已寅緣軾轍之度嶺初一承顏先後安李之當塗未嘗通問乃不

施行繫年要錄卷六
十七卷九十

祐三

完

施行繫年要錄卷六

元祐黨人傳卷第四

誥授榮祿大夫三品頂戴前廣東南韶連兵備道調補高
廉道權福建鹽運使司鹽法道加四級臣陸心源纂

餘官

秦觀傳

秦觀字少游揚州高郵人見蘇軾于徐爲賦黃樓軾
以爲有屈宋才元祐初軾以賢良方正薦除太學博
士爲國史院編修官紹聖初坐黨籍出通判杭州御
史劉拯論其增損實錄貶監處州酒稅又以謁告寫
佛書爲罪削秩徙郴州繼編管橫州又徙雷州徽宗

祐四

立復宣德郎放還至藤州游華光亭爲客道夢中長
短句索水欲飲水至笑視之而卒事蹟詳宋史本傳
黃庭堅傳

黃庭堅字魯直洪州分甯人幼警悟讀書數過卽成
誦舅李常過其家取架上書問之無不通常驚以爲
一日千里哲宗立召爲校書郎神宗實錄檢討官擢
起居舍人紹聖初出知宣州改鄂州章惇蔡卞與其
黨論實錄貶涪州別駕黔州安置言者猶以處善地
爲歆法遂移戎州徽宗卽位起監鄂州稅簽書甯國
軍判官知舒州以吏部員外召皆辭不行丐郡知太

平州至之九日罷主管玉隆觀庭堅嘗與趙挺之同校舉子文一卷使蟒蛇字挺之欲黜之諸人盡然庭堅獨相持挺之識其言問曰公主此文不識二字出何處庭堅良久曰出梁武懺挺之以其侮已大銜之及是挺之作相令陳舉上所作荆南承天院記指爲幸災除名羈管宣州三年徙永州未聞命而卒事蹟

詳宋史本傳

參過庭錄

晁補之傳

晁補之字無咎濟州鉅野人舉進士試開封及禮部別院皆第一元祐初爲太學正遷著作佐郎章惇當

祐四

二

國出知齊州坐修神宗實錄失實降通判應天府一毫州又貶監處信二州酒稅徽宗立復以著作召旣至拜吏部員外郎禮部郎中兼國子編修實錄檢討官黨論起爲諫官管師仁所論出知河中府徙湖州密州果州遂主管鴻慶宮還家葺歸來園自號歸來子大觀末出黨籍知澠州改泗州卒事蹟詳宋史本傳

張耒傳

張耒字文潛楚州淮陰人十三歲能爲文十七時作函關賦已傳人口弱冠第進士范純仁薦試秘書正字紹聖初以直龍圖閣知潤州坐黨籍徙宣州謫監

黃州酒稅徙復州徽宗立起爲通判黃州歷知汝州崇甯初復坐黨籍落職主管明道宮未在潁聞蘇軾訃爲舉哀行服言者以爲言遂貶房州別駕安置於黃五年得自便居陳州晚監南嶽廟主管崇福宮卒建炎初贈集英殿修撰事蹟詳宋史本傳

吳安詩傳

吳安詩字傳正建安人父充宋史有傳安詩有賢行陳萊詩話以蔭歷朝散大夫元祐三年爲禮部員外郎四年擢右司諫吳處厚奏上蔡確所作車蓋亭詩安詩上疏劾確譏訕確責降分司南京安詩同左諫議大

祐四

三

夫梁燾等奏言責確太輕確遂有新州之命及登對宣仁后獎諭曰卿等論事每如此天必祐之知成都府李之純召爲戶部侍郎以蔡京代之安詩復與燾等奏言之純謹厚豈弟詳練政事在蜀八年百姓安悅驟以輕薄少年代之至則必微才能之名不肯以持循安靜爲意蜀民易爲動搖恐別致生事爲異曰之憂疏入改京爲江淮荆浙等路發運使七年除天章閣侍講改直集賢院兼侍講尋除中書舍人章惇復資政殿學士安詩不書錄黃八年與蘇軾等校正陸宣公奏議進呈

長編四百八十四

紹聖元年門下侍郎蘇

轍罷知汝州安詩草制有風節天下所聞及原情本
出愛君語哲宗怒命別撰詞降爲起居舍人四年坐
鼓煽凶焰附會邪謀責授濮州團練副使連州安置
崇甯元年列名黨籍通鑑長編參紀事
本末東萊詩話安詩母正憲
夫人也知識過人最能文紹聖初安詩欲論事而懼
其親老未敢夫人聞之屢促其子論列時事及貶夫
人不以爲恨故蘇子由輓詩云贊夫成相業聽子得

忠言

東萊
詩話

歐陽棐傳

歐陽棐字叔衍修中子廬陵人登進士乙科哲宗卽

祐四

四

位爲秘書省著作郎後爲職方禮部右司二員外郎
章惇入相棐數請外乃以朝散郎秘閣校理知襄州
有魏秦者曾布妻兄也居襄二十年倚布以傳食于
漢南雖爲布衣州郡以倅貳之禮接之多規占公私
田園前後無復誰何者于是于州門之東偏樓店官
廢址爲天荒而請之上下彌縫爲成書棐曰孰謂州
門之東偏而有天荒可請乎州官上下更謂棐不可
却棐曰天荒在野秦請之地州門之左以門左之地
爲天荒售人非政也憚秦而誣天荒之令非法也秦
怒訴于轉運司下其訴于州棐終持不與秦由是譖

于布罷知潞州元符元年詔葉朋附元祐每希進用
落職長編五元符三年復以朝散郎還朝爲尙書吏

部郎中遷右司郎中請外知蔡州崇甯元年入黨籍

鑄職降官五年出籍政和三年卒西臺集參著有堯

歷三卷合朔圖一卷歷代年表十卷三十國年紀七

卷九朝史畧二卷食貨策五卷集古目二十卷襄餘

二卷西臺集事蹟詳宋史本傳

劉唐老傳

劉唐老字壽臣范太史集手記洛陽人曾祖温叟祖燾宋史

有傳父忱字明復官修撰唐老文采質性見稱縉紳

祐四

五

和而不流敏而不固熙甯七年忱以太常少卿會遼

使蕭素商量地界唐老由惠州司戶參軍隨行書寫

機宜文字元祐初累官奉議郎二年以呂大防舉召

試館職合格除秘閣校理權登聞鼓院三年爲太常

博士五年遷右正言奏言大學一篇論入德之序願

詔經筵之臣訓釋此書上進庶于清閒之暇以備觀

覽從之又言諸路州縣有自來災傷倚閣稅賦候豐

熟日起納今來秋稼已成竊慮官吏乘此登稔併行

催索轉運司利於輸入不免督責施行伏念間者累

年災傷公私逋負不少幸茲一稔稱貸之餘苦無遺

溢逼於催科之嚴反以收成爲患臣欲乞朝廷指揮諸路有倚閣稅賦以十分爲率且令催納三分其餘候將來豐熟依條舉行所貴佃民實獲豐年之惠又言貢舉條制考進士試卷以四場工拙定去留高下蓋以分經取人有多寡幸不幸之異故使程文均取更不分經考校然而主司以其四場通定之文所主不一或以經義或以詩賦或以策論各隨習尙互爲升黜緣舉人所繫利害大者在於得失而高下又其次焉須其去留高下之間二者分爲約束如治平以前詞賦取士則去留主詞賦熙甯以後經術取士則

去留主經術其論策二場惟以品第高下今旣經術詞賦別成兩科須理各有所主治經者必以義對爲先作賦者當以章句爲重乞將治經者以大義定去留詩賦而兼經義者以詩賦主取舍策論止於定高下不豫去留之例如此則主司議論旣各有適從士子得失亦不誤所習伏乞詳酌施行從之知蔡州資政殿學士王安禮緣人言移知舒州唐老奏言安禮緣青州任內貪穢不法朝廷再下監司體按未知今此改任爲其有罪而責之邪以爲無事而不治邪苟爲有罪而責則舒之視蔡均爲便藩何名譴黜若爲

無事而不治則今茲易地有何所因又安禮常以章
辨歸過於指使使臣衆議喧然亦以爲笑且身係大
臣固當自重乃與使令廝役規利營財主俸祿之遺
餘昧商途之稅入縱非已物猥屑益彰臣竊謂官吏
在任與販論法固不爲輕使小人有犯則罪之大臣
犯此則弗罪則是禁令已不行於貴近法與天下公
共王者猶不得私况臣下乎伏望聖慈將所按王安
禮事迹明白施行以正朝廷之紀綱以肅官吏之貪
穢六年以疏劾蘇軾與趙卨交通誣罔罷爲兵部員
外郎韓川封還詞頭唐老乞知絳州移提點秦鳳等

祐四

七

路提刑紹聖中唐老嘗爲文康世言時事必變章惇
必族滅餘執政必竄四年爲康世妻父蔡碩所告詔
唐老元祐姦黨時出險言落職添差監桂陽監鹽茶
酒稅徽宗卽位復官朝奉郎直秘閣知曹州崇甯元
年落直秘閣改知相州尋坐爲刑戶部官時倡爲寬
縱之說刪改元符敕條落職勾管鴻慶宮崇甯二年
除名勒停三年入黨籍五年叙復朝請郎

通鑑長編
參紀事本

末范太史集手記邵氏
聞見錄劉放彭城集

王鞏傳

王鞏字定國莘縣人父素宋史有傳鞏篤學力文志

節甚堅練達世務疆力敢言吳充馮京器其爲人東坡
集樂上書言事多切時病京薦于上王安石沮之老
城集庵筆學累官大理評事八年坐見徐革言涉不順而不

告追兩官勒停長編二百六十二尋爲秘書省正字九年坐

借趙居兵書追兩官勒停元豐二年叙復太常博士

坐與蘇軾交通受誹訕文字不繳又受王誥金謫監

賓州鹽酒稅通鑑一子死貶所一子死于家東坡鞏

安患難不戚于懷初王氏父子以經術得幸下其書

于太學凡置博士試弟子皆以新書從事不合者黜

之鞏處放逐秦少游論更刻苦讀諸經頗立訓傳以

祐四 八

示意山谷成論語註十卷自信不惑成一家之言請

闔門奏上之三年歸來秦少游序氣益剛實劉鞏曰見

十九言事如故樂城司馬光喜之待以國士東坡元

祐元年長編言之朝廷擢宗正寺丞樂城疏論宗室疎

遠者不當禰皇伯皇叔言者摭其疏指爲離間宗室

除揚州通判長編二百九十在任皎皎府賴以治更

謝景温王安禮二守皆相喜因有少年之過代還四

年除知海州不滿意呂大防愛其才改知密州到官

數月言者交攻罷歸因恩例乞得管勾太平觀劉鞏

五年起判登聞鼓院朱光庭言未協公議詔別差遣日記

長編四百 謝景温荐其有政事才通判揚州在官無

過四十六蘇轍言鞏之所長人所難能所短或少年

所不免乞加錄用六年除知宿州四百五十二安鼎姚勗

論鞏在揚州日交通州吏馬守珍踰違公事詔罷新

命依舊管勾太平觀長編四百五十九改朝奉郎管勾鴻慶

宮紹聖初為榮州簽判長編五百四鞏跌宕傲世好

臧否人物其口可畏以是頗不容於人劉摯每除官

輒為言者所論故終不顯宋史元符元年坐元祐中及

元豐末累上書議論朝政欲盡變先朝法度追毀出

身以來告勅除名勒停送全州編管徽宗立復朝散

祐四

郎崇甯元年送吏部與合入差遣入黨籍長編參紀

鞏生長富貴所好皆老書生事山谷長于詩宋史東坡

歎為不及墨莊漫錄他文章不守近儒繩尺欲以雄長一

時山谷集小草有高韻宋書著有論語注十卷聞見近

錄一卷甲申雜記一卷隨手雜錄一卷

呂希哲傳

呂希哲字原明公著長子終公著喪始為兵部員外

郎范祖禹其妹婿也祖禹言于哲宗詔以為崇政殿

說書擢右司諫不拜紹聖黨論起御史劉拯論其進

不由科第以秘閣校理知懷州分司南京居和州徽

宗初爲秘書少監改光祿少卿以直秘閣知曹州崇
甯元年落直秘閣入黨籍依舊知曹州移相州徙邢
州罷爲宮祠羈寓淮泗十餘年卒事蹟詳宋史本傳

參長編紀
事本末

杜純傳

杜純字孝錫濮州甄城人以蔭爲泉州司法參軍熙
甯初以河西令上書言政王安石異之引置條例司
元祐元年范純仁韓維交薦除河北轉運判官召爲
侍御史言者詆其不由科第改右司累陝西轉運使
還拜鴻臚光祿卿權兵部侍郎以集賢院學士提舉

祐四

十

崇福宮改修撰卒事蹟詳宋史本傳

張保源傳

張保源字澄之

草堂寺
題名

未詳里貫累官通直郎元符

三年坐元祐中上書妄議朝政附會奸臣勒停仍展

三期叙于峽州居住

通鑑
長編

五年與監廟差遣

楊仲良
長編紀

事本末

孔平仲傳

孔平仲字義甫文仲弟以吕公著薦爲秘書丞集賢
校理紹聖中言者詆其元祐時附會當路譏毀先烈
元符元年削校理知衡州徙韶州坐前上書之故責

惠州別駕安置英州徽宗立召爲戶部金部郎中累
帥鄜延環慶黨論再起罷主管兗州景靈宮卒事蹟
詳宋史本傳

衡鈞傳

衡鈞不詳里貫坐元符末應詔上書譏訕謗斥得罪
宗廟除名勒停編管淄州三年入黨籍邪上尤甚第

六人五年追復舊官資任

楊仲良長編
紀事本末

衮公適傳

衮公適坐元符末應詔上書譏訕謗斥得罪宗廟除
名勒停崇甯三年入黨籍邪上尤甚第三十六人五

祐四

十一

年追復舊官資任

同上

馮百藥傳

馮百藥四川果州人

輿地紀勝

坐元符三年應詔上書謗訕崇甯三年入

黨籍邪中五年吏部注在外薙

同紹興十五年有魯義郎知武進縣
感遺昆陵志

周誼傳

周誼坐元符末應詔上書得罪宗廟除名勒停編管
彬州崇甯三年入黨籍邪上尤甚第九人五年追復

朝散郎

同上

孫琮傳

孫琮坐元符末上書譏訕謗斥得罪宗廟落職勒停

編管荆門軍崇甯五年入黨籍邪上尤甚第十一
五年叙復承事郎同

范柔中傳

范柔中字元翼江西南城人元豐八年進士累官宣
教郎太學博士其學長于春秋箸春秋見微十卷折
衷三傳去取諸家深得聖人之意元符二年三月詔
求直言柔中上書多詆紹聖併及熙豐之政且獻所
箸春秋見微坐停官雷州羈管入黨籍選人邪上尤
甚第一人崇甯五年叙復承務郎依舊致仕仍不許
放還紹興五年以晏敦復言贈直秘閣與一子官繫年

疏四

十三

要錄參九朝編年楊仲良長編紀事本末西江人物志

鄧考甫傳

鄧考甫史傳作孝甫字成之臨州人積官提點開封
府界河渠坐事去官元符末詔求直言孝甫年八十
一上書云亂天下者新法也未流之禍將不可勝言
宜以時更化純法祖宗蔡京嫉之謂爲詆訕宗廟削
籍羈筠州崇甯去黨碑釋逐臣同類者五十三人其
五十人得歸惟孝甫與范柔中封覺民獨否遂卒于
笥事蹟詳宋史本傳

王察傳

主察坐元符末應詔上書譏訕詆斥得罪宗廟落職
勒停編管深州崇甯三年入黨籍邪上尤甚第十四
人五年於舊贛上降兩官追復紹興初贈直祕閣官其子一人紀事本末參繫年要錄

趙岫傳

趙岫衢州西安人仲弟揚之子元祐五年冠氏尉押錢綱有欠改所

注官紹聖四年順德軍司理參軍崇甯初坐元符上書得罪宗廟落

職勒停編管處州三年入黨籍邪上尤甚第十五人

五年于舊贛上降兩官收叙長編四百三十
七參紀事本末

封覺民傳

封覺民不詳里貫坐元符末應詔上書譏訕謗斥得

祐四

罪宗廟除名勒停永不收叙編管簡州崇甯三年入

黨籍邪上尤甚第三人五年追復承事郎楊仲良長
編紀事本

末

胡端修傳

胡端修武進人祖宿諡文恭父宗愈官尚書右丞諡

修簡宋史皆有傳端修元豐三年進士累官承議郎

坐元符末應詔上書譏訕謗斥得罪宗廟落職勒停

編管廣安軍崇甯三年入黨籍邪上尤甚第七人五

年叙復宣德郎紹興三年贈直祕閣繫年要錄參咸
涓毘陵志長編

紀事本末

坐元符末應詔上書譏訕謗斥得罪宗廟落職

李傑傳

李傑字穎伯湖南邵陽人熙甯進士歷知永靖三州元祐初年梓州路轉運判官時瀘南安撫使李琮奏蠻賊乞弟爲患身死新立願須阿機親手刻到芳牌乞投降詔傑與知瀘州張先明接納尋遷梓州路提點刑獄五年改金部郎中言利州路興州青陽鎮見有銅坑一百餘處舊係西河邊防財用司舉官招誘收買又本錢亦是本司計置應副昨廢罷本司將上件銅場併入陝西轉運司管勾自併入後來將銅價僅減一半又本錢多不敷足雖有所舉監官無由辦

祐四

古

集采銅之人逐旋散潰所收漸少課利日虧今相度欲乞每斤量與添錢多行計置本錢依舊兼用銀絹于稱下堆垛及比附韶州岑小場例選官量與酬獎使設法措置必有所增詔于利州常平錢內借錢五萬貫充買銅本錢每斤依本處見買價錢餘並從之

長編四百七十二

崇甯元年坐元符末應詔上書譏訕謗斥

得罪宗廟勒停編管唐州三年入黨籍邪上尤甚第
十六人五年于舊資上降兩資收叙後爲湖南安撫使終于大理卿嘗買書萬卷藏之郡庠置田數千畝

以贍宗族

明一統志

李賁傳

李賁崇甯選人坐元符末上書謗訕譏斥得罪宗廟

落職勒停編管單州崇甯三年入黨籍邪上尤甚第

十七人五年降兩資收叙

楊仲良長編紀事本末

趙令時傳

趙令時初字景貺蘇軾爲改字德麟燕懿王元孫也蚤以才敏聞元祐六年簽書頽州公事時蘇軾爲守愛其才因薦於朝宣仁后曰宗室聰明者豈少哉顧德行何如耳竟不許軾被竄令時坐交通軾罰金已而附內侍譚稹以進紹聖初官至右朝請大夫呂頤

祐四

五

浩請以令時主行在大宗正司帝命易環衛官願浩言令時讀書能文恐不須易帝曰令時昔事譚稹頗遺清議改右監門衛大將軍榮州防禦使權知行在大宗正事遷洪州觀察使襲封安定郡王尋遷甯遠軍承宣使同知行在大宗正事四年薨貧無以爲歛帝命戶部賜銀絹贈開府儀同三司

宋史參東坡集

郭執中傳

郭執中四川華陽人郭氏以中字行者凡二十六人皆賢者也執中崇甯二年進士坐元符上書詆譏謗斥邪上尤甚除名勒停編管成州靖康元年李綱爲

宣撫使督兵救太原執中在幕下种師中敗執中遁
歸紹興初張浚在川陝以執中爲直徽猷閣知嘉州
五年召爲兵部員外郎累官徽猷閣待制樞密都承
旨兼都督行府參議軍務六年李上覽遺表歎息贈
徽猷閣直學士賜其家銀帛二百匹兩執中禁錮二
十年晚遭際高宗而年齒已老不能收尺寸之效

繫年

要錄參費箬氏族譜
楊仲良紀事本末

石芳傳

石芳眉州人紹聖進士元符末應詔上書譏訕詆斥
得罪宗廟落職勒停編管曹州崇甯三年入黨籍邪

祐四

十六

上尤甚第十八人五年降兩資收叙

紀事本末參
四川通志

金極傳

金極字克中江西樂平人紹聖進士宰分宜上書乞

斬蔡京以謝天下崇甯初坐元符上書謗訕譏斥得

罪宗廟邪上尤甚第三十三人三年入黨籍五年于

舊資上降兩官收叙落職勒停編管廬州適意閒曠

終日隱憂焉甚廬曰醉鄉或笑其癡極曰極不獲義釋其羣隨取隨足猶謂甚何也表裏憂

剗薜荔猶爲是然樂未央而憂繼焉其風節佳達如此紹興初贈太常博士

紀事本末參
樂平縣志

高公應傳

高公應坐元符末應詔上書得罪宗廟除名勒停編

管隨州崇甯三年入黨籍邪上尤甚第十二人五年
于舊資上降兩官收叙湯仲良長編紀事本末

安信之傳

安信之崇甯初選人坐元符應詔上書譏訕詆斥得
罪宗廟落職勒停編管同州崇甯三年入黨籍邪上
尤甚第十人五年降兩資收叙同上

張集傳

張集坐元符末上書謗訕詆斥得罪宗廟落職勒停
編管濰州崇甯三年入黨籍邪上尤甚第二十四人
五年降兩資收叙同上

祐四

七

黃策傳

黃策字子虛蘇州人九歲能屬文嘗追和梁昭明所
選詩持見蘇軾軾曰子異時必以文顯弱冠擢第歷
雍邱主簿齊州教授元符末詔中外言事時昭慈聖
獻皇后既復位號而典冊未有盡正者策引古誼上
書甚切蔡京深銜之崇甯初入黨籍邪上尤甚第二
十八人羈管登州會赦還後爲發運司屬官斥賣京
家賞得京草復元祐皇后制所錄上皇聖語親劄副
本上進見神宗悔悟之心欽聖詔復之旨隆祐誣抑
之由由是京主並后以遂復廢之姦益明建炎中追

錄黨人除直秘閣通判嚴州初欽宗在青宮時聞策
名大書隨緣堂三字以賜因自號隨緣居士姑蘇志
卷四十九

紹興二年卒

汪文定集黃
師聖墓誌

吳安遜傳

吳安遜坐元符末上書謗訕譏斥得罪宗廟落職勒
停編管濮州崇甯三年入黨籍邪上尤甚第十九人

五年叙復宣義郎

楊仲良長編
紀事本末

周永徽傳

周永徽坐元符末上書謗訕譏斥得罪宗廟落職勒
停編管眉州崇甯三年入黨籍邪上尤甚第二十一

祐四

六

人五年于舊資上降兩資收叙送吏部與合入差遣

同上

高漸傳

高漸字善時萍鄉人熙甯進士甯鄉尉論新法有行
而未便便而未盡善者凡十策調廣州錄事參軍建
中靖國初再疏請正元祐元符二后君妾之分崇甯
初編管撫州入黨籍邪上尤甚第廿九人大觀二年
預入寶赦與起居舍人黃庭堅等同時復官

西江人
物志

張夙傳

張夙未詳里貫坐元符末上書譏訕詆斥得罪宗廟

編管廣濟軍崇甯三年入黨籍邪上尤甚第三十一
人五年追復承事郎

楊仲良長編
紀事本末

鮮于綽傳

鮮于綽字大受陽翟人與陳恬叔易崔鶻德符齊名
時稱陽城三士元符元年官太學錄韓維卒綽爲撰
行狀崇甯初坐元符末上書謗訕譏斥得罪宗廟落
職勒停編管河陽軍三年入黨籍邪上尤甚第二十
七八五年于舊資上降兩官收叙著有傳信錄十卷
記元豐後政事得失人物臧否

郡齋讀書志參通
鑑長編紀事本末

呂諒卿傳

祐四

九

呂諒卿福建晉江人與兄惠卿異趣元符中爲温州
軍事推官上書詆紹述新法之非崇甯三年編類元
符章疏姓名諒卿以上書謗訕詆斥得罪宗廟入黨
籍追官勒停亳州編管御書姦黨碑賜其兄惠卿惠
卿自劾求罷乞令諒卿出籍諒卿遂廢錮終身紹興
二年贈宣教郎官其家一人

福建
通志

王貫傳

王貫不詳里貫坐元符上書譏訕詆斥得罪宗廟編
管棣州崇甯三年入黨籍邪上尤甚第三十二人五
年于舊資上降兩資收叙

楊仲良長編
紀事本末

朱紘傳

朱紘哲宗時累官秘書省校書郎守唐州汾陽縣令
修復故渠爲利旁境計臣言狀遷大理丞崇甯初致
仕三年坐元符末應詔上書謗斥譏訕得罪宗廟除
名勒停以老疾免羈管入黨籍邪上尤甚第二十八
蘇魏公集三十
參紀事本末

吳朋傳

吳朋全椒人元豐進士崇甯三年已故坐元符上書
謗訕譏斥得罪宗廟邪上尤甚第五人入黨籍楊仲
良紀

事本末參
江南通志

祐四

三

梁安國傳

梁安國不詳里貫崇甯初蔡京奏舉充講議司國用
檢討官三年坐元符三年上書謗訕勒停永不收叙
羈管襄州入黨籍五年叙復宣義郎九朝編年參
紀事本末

王古傳

王古浙江建德人歷知會稽成都二縣坐元符上書謗訕得罪宗廟邪
上尤甚第二十五人崇甯三年入黨籍五年官朝散
郎簽書榮州軍事判官廳公事輕車都尉賜緋魚袋

長編紀事本末參
茅山志嚴州府志

蘇迥傳

蘇迥字彥遠東坡之族子登進士第爲瀘川令元符末應日食上言尤爲切直崇甯三年坐上書謗詔除名勒停編管華州入元祐黨籍邪上尤甚五年量移潼川後爲普州安岳尉卒于官紹興初特贈宣教郎

揮塵後錄參長

編紀事本末

檀固傳

檀固字以忠建德人登熙甯三年進士第紹聖間官尙書時悉改元祐之政固上書極言朝廷罷呂大防蘇軾范純仁用章惇曾布蔡卞去三賢而進三凶此天下治亂之由也書奏免官

江南通志卷一百四十八

崇甯三年

祐四

三

坐元符末上書謗詔除名勒停編管湖州五年于舊資上降兩資收叙

長編紀事本末

何大受傳

何大受成都府雅州人坐元符上書謗詔勒停永不收叙羈管襄州崇甯三年入黨籍五年降兩官收叙

同上

王箴傳

王箴字元直眉山入蘇軾妻同安君之弟九歲通經弱冠軾見其文甚愛與成都學官侯元叔每論古人退卽書數百言如史漢論贊者元叔嘆其有史筆元祐間累詔徵之力辭崇甯元年坐元符上書謗詔勒

停永不收叙羈管通州三年入黨籍五年叙復奉議
郎子先光俱登進士以詩文名

施註蘇詩參萬姓統譜卷四十四長編紀

事本末

鹿敏求傳

鹿敏求不詳里貫元符末官韶州仁化令三年應詔
上書可采除承務郎崇甯三年追所授承事郎降充

簿尉

楊仲良紀事本末

江公望傳

江公望字民表睦州人建中靖國元年由太常博士
拜左司諫內苑蓄珍禽奇獸公望力諫他日入對帝

祐四

三

曰已縱遣之矣惟一白鵬蓄之久終不肯去先是帝
以柱杖逐鵬鵬不去乃刻公望姓名于杖以識其諫
蔡王府吏以語言疑似成獄公望論救出知淮揚軍
未幾召爲左司員外郎以直龍圖閣知壽州蔡京爲
政編管南安軍遇赦還家卒建炎末與陳確同贈右
諫議大夫事蹟詳宋史本傳

曾紆傳

曾紆字公袞號空青世家撫之南豐丞相布之第四
子也年十三伯父鞏授以韓愈詩文學益進以父任
爲承務郎除太常寺主簿左司諫江公望薦紆累數

百言不敢以宰相子爲嫌布免相言者指紆嘗夜過
韓儀公家議復瑤華事且受父客金入元祐黨籍竄
永州會赦復承奉郎監潭州南嶽廟簽書甯國軍節
度判官通判鎮江府會淮南漕渠不通泗楚州連數
守罷發運使陳亨伯密奏移知楚州紆因荒政役饑
民渠通而民活者不可勝計因加直秘閣移秀州未
幾提舉京畿常平江南東路轉運判官陞副使罷歸
主管南京鴻慶宮屏居湖州建炎三年苗傅劉正彥
反呂頤浩張浚檄諸州勤王檄至湖州守梁端會士
大夫謀之衆未及言紆奮然曰逆順明甚出師無可

祐四

三

疑者數日苗傅來取兵紆請端械繫使者毋令還高
宗反正御史張守白發其忠除直顯謨閣江南東路
轉運副使盜孫誠等暴誘屬邑一方騷然紆作聖旨
招安單舸見之諭以禍福誠等望風迎拜紆上書請
矯制罪上廉而釋之未幾隆祐皇后崩監護使李回
辟爲修奉議者欲稱園陵紆曰上不日恢復中原奉
隆祐歸祔此特櫝宮耳當先正名朝廷用其言聞者
服其得體提舉明道宮甫兩月起知撫州除江南西
路轉運副使明年除司農少卿改福建路提點刑獄
明年進直寶文閣知衢州未之官卒年六十有三紆

才高識明博極書史其謫永州也黃庭堅魯直得其詩而愛之手書於扇紆之叔父肇不妄許可人嘗曰文章得天才當省學問之半吾文力學至此耳吾家阿紆所得超然未易量也故詩文每出人爭誦之篆隸行艸沈著痛快得古人用筆意

浮溪集曾公墓誌

箸有空

青遺文十卷

高士育傳

高士育濠州人父遵裕宋史有傳士育遵裕幼子元符末累官左班殿直先是邢恕教遵裕之子士京上書言宣仁于哲宗有異心王珪遣遵裕之子來議策

祐四

書

立事遵裕斥去之蔡卞遂唱追廢聖母之議哲宗不聽三年士育應詔上書言其父最愛士育病且死未嘗離左右不見士充來說王珪所詢廢立之事改承務郎除環慶路幹辦公事崇甯元年追所授官仍爲左班殿直

長編四百八十八

鄧忠臣傳

鄧忠臣字慎思長沙人自號玉池先生熙甯二年進士王珪門客也累官知衡陽縣大理丞元豐四年爲開封府界提舉司管勾官奏言祥符縣鄧公鄉大壩村有泉水民間飲之多能愈疾遂妄以李水子爲名

京師內外士庶軍營子弟轉相告言今日神見某處
明日神降某處傾動風俗結成朋社率歛財物奔赴
鄧公鄉欲與神立廟小人緣此易生姦心神民異業
不可不禁不報

長編二
百十二

以獻郊祀慶成賦及原廟詩

百韻擢秘書省正字元祐三年以韓川言通判瀛州
遷考功郎忠臣事母周以孝聞母卒護喪歸里飲食
起居哀慕之節皆應古禮有學行能文長于雜記嘗
註杜詩又留心晉史元祐中充注晉史官申省乞差
劉躡蘇象先王摭白時中充晉史檢校官爲姚勔所
劾崇甯初權發遣汝州初范純仁薨諡曰忠宣忠臣

祐四

三

爲諡議有曰每思捐身而獻策常願休兵而息民祇
知扶危而濟傾甯恤蹇前而寔後又曰方讒言亂國
而明蔡確之無實洎姦黨投石而謂大防之可原當
衆人莫敢言之時在偏州無可用之地義形正色憤
激至誠非特救當世正人端士之網羅直欲戒後世
亂臣賊子之迷罔徇公忘己爲國惜賢又曰父母之
國有時而去股肱之義於是或虧放之江湖忽如草
芥紉蘭澤畔更甚屈原之忠占鵬坐隅已分賈生之
死又曰側席南望而抉浮雲之蔽趨節東歸而詠零
雨之濛又曰法座想見其風采詔書相望於道塗元

年十二月臣僚上言純仁諡已追奪定議之博士覆議之郎官各罰銅十斤忠臣坐是罷爲管幹南京鴻

慶宮三年添入黨籍後贈直祕閣著有玉池集書錄解題

參湘陰縣志能改齋漫錄通鑑長編墨莊漫錄

种師極傳

种師極卽師道也案宋史卷三百卅五种師道傳字彝叔世衡孫少從張載學以蔭補三班奉職試法易文階爲熙州推官權同谷縣通判原州提舉秦鳳常平議役法忤蔡京換莊宅使知德順軍又謂其詆毀先烈罷入黨籍屏廢十年宣和初以武功大夫忠州

祐四

美

刺史涇原路都鈐轄知懷德軍又种師道親姪种湘撰行狀曰亡伯師道出入五朝四更文武忠亮顯著見于勲業任提舉常平日因上言免役事入元祐黨籍又紹興五年敕旨故太尉鎮洮軍節度使同知樞密院事贈少保种師道世載韜略性服仁義早親有道以自修飾言行無玷出處可觀論新法之害民遂坐黨籍言北伐之誤國致使退休則師道曾入黨籍確無疑義今黨籍碑三百九人中有師極無師道則師極卽師道原名無可疑者史失載耳

韓治傳

韓治字循之塵史相州人父忠彥宋史有傳熙甯八年

八月賜進士出身元祐中累官左朝散郎祕閣校理
七年詔侍從官及六曹長貳禮官集議郊祀典禮治
爲太常丞與范純禮等二十二人議曰南郊合祭天
地不見於經王者親祀天而地則闕焉亦非典禮神
宗皇帝考按古誼詔罷合祭元豐六年止祀昊天
帝於圓丘配以太祖又詔親祠北郊如南郊儀仍命
有司修定儀注則于承祀神祇禮無違者至于二郊
之祭或不並行則有司攝事亦自有典禮合于周官
大宗伯王不與祀則攝位之文惟是北郊先帝未及

祐四

三

躬行然詔旨明甚所宜遵守但當斟酌時宜省繁文
末節則親祠之禮無不可爲蓋天地重祀尤宜敬重
不宜數有廢舉若昨罷合祭違悖經典固須改正既
已合禮而又紛更恐失朝廷尊事神祇之意伏請並
依先朝詔旨施行紹聖四年知邢州元符元年提點
京西刑獄二年召爲吏部郎中章惇詆爲劉摯門下
半夜客崇甯三年入黨籍五年與知州差遣長編彜爲
太僕少卿知相州以疾丐祠以其子肖胄代之宋治
與同僚處一日有卒悍厲衆皆怒之唯韓不顧凝如
平時徐言曰無忿疾于頑惟頑能致人忿故也人謂

其有家學

晁氏
客語

都貺傳

都貺山西陵川人舉進士元符元年累官承議郎金部員外郎遷至鴻臚卿每朝帝虛已咨問貺據經而對多見嘉納拜梓州轉運提押西川四十五州多著美績崇甯三年坐議棄湟州阻壞先烈降授承議郎權發遣坊州再貺宣德郎監撫州酒稅入黨籍五年叙復朝散郎

山西
通志

秦希甫傳

秦希甫字辨之吳郡人元豐三年進士元符中爲陝

祐四

矣

西轉運判官初熙河將王瞻下邈川胡宗叵爲帥復遣瞻取青唐詔立鄯州而以邈川爲湟州未幾屬羌叛宗叵討之數敗希甫奏王瞻厚取邈川青唐府庫金珠等物因此致變及殺森摩乾展等以滅口又言熙河旣受轄正之降以兵至青唐卽求嘉勒之後或只令隆贊承襲方合人心據地里從河州至湟州二百四十五里道路險阨不通車乘惟是頭口馱載人夫擔負幹旋峽中多遇寇掠道無宿頓人無飲食畜無芻秣如赴死地卽今欲全師而歸已是難事緣鄯州招下新羌萬餘人若一離本處皆爲讐敵望朝廷

早追隆贊及三僞公主入鄯州分付降羌令自撫循
求故主温溪心之後守湟州徐議引出尙爲萬全之
計於朝廷存亡繼絕之道兩無虧損漢罷朱崖郡棄
輪臺皆盛德事未爲國恥今所陳事機間不容息乞
早措置萬一後時邊禍不輕臣及州郡官吏雖被重
誅無益成敗然猶未敢深言後患也熙河蘭會經略
使胡宗回怒其異已數沮之希甫乞移他官徽宗卽
位棄鄯州任伯雨再疏宗回罪奪職知蘄州崇甯初
黨論起言者又以希甫棄地爲罪降官勒停三年入
黨籍

通鑑長編參
王整姑蘇志

五年叙復朝散大夫與知州差遣

祐四

元

紀事
本末

錢景祥傳

錢景祥字孺文吳王越儂之曾孫元祐元年官籍田

令

山谷年
譜十九

四年知黃巖縣

赤城志九

紹聖初坐議棄湟州阻壞

先烈勒停崇甯三年入黨籍

五年叙復承議郎
紀事本末

周綽傳

周綽福建龍溪人兄純累官京西轉運判官戶部員
外郎綽熙甯六年進士元符二年累官廣信軍通判
言沿邊兵器不修者萬數物料不計工力亦有所不
逮攻守之器類用毛羽絲枲膠漆經暑則水氣蒸溽

修之數少壞之數多又言廣信城北鮑河夏秋山雨
暴漲倒流入城淹浸革場漂蕩屋舍又廣信安肅三
州之兵乞與巡邊司兵滾同差使又河朔馬不足請
就近地或府界或西市團綱分配邊城并提道官八
員無職事可領乞罷屯田判官願專置一官所在責
逐縣令佐兼領田事上謂輔臣曰綽所陳頗有理可
令召對

長編五
百十

遷戶部員外郎與兄純同任有小大

戶部之稱未幾出權秦鳳經略司元符二年奏役使
勞敝乞不候來春先次賑貸本路保甲一次來春更
依條賑貸從之

長編五
百十八

崇甯元年知興化軍

福建通志

祐四

三

年入黨籍

何大正傳

何大正字自中大庾人博通諸經尤邃於易元祐間
太學上舍生諸儒推許元符三年應詔上書請還元
祐孟后位號賜同進士出身眞州司法參軍崇甯元
年追所賜出身並不得應舉後官南雄州司理治獄
察情根于所學

廣東黃志

致仕卒

江西通志引
西江人物志

呂彥祖傳

呂彥祖開封人登進士元符三年應詔上書可採除
淄州司戶參軍崇甯元年追所授官

通鑑長編參揚
仲良紀事本末

梁寬傳

梁寬江西新喻人熙甯六年進士累官朝請郎建中靖國元年言紹聖之初姦臣特進是時不惟朝廷之士革面迎合雖田野書生亦懷觀望裨闔之術舉人畢漸廷試對策其心本欲附會時流以窺上第其間言語不顧輕重有傷事體傳播四夷所損不細又如紹聖之際方天若對策其間以不誅南竄大臣家屬爲恨以不沒元祐公相家貲爲惜天若閩中匹夫於元祐大臣公卿有何宿憾時以蔡卞用事正持威柄方務傾覆大臣旣欲行其妻父素志又欲復其平日

祐四

三

私讐天若者蔡京之門人蔡卞之飛走也鷹犬效力僕妾事人其言何所不至云云伏見將來科詔不遠欲乞下禮部每遇廷試戒約舉人立爲法式不得狂妄不答所問有違此者罪在考官然後罷黜此流所貴少厚風俗崇甯三年坐元符末上書言多詆譏降授朝散郎差監南康軍酒稅紀事本末卷百二十寬博學高才受知于范純粹屢從徵辟爲上客過庭錄

沈千傳

沈千歸安人元豐二年進士崇甯三年坐元符上書邪上第十七人入黨籍降授宣德郎添差監常州酒

稅後復官終提舉杭州集虛觀贈奉政大夫長編紀事本末

參談論子昭遠繫年要錄湖州府志有傳

曹興宗傳

曹興宗坐元符上書言多譏訕降兩官添差監當降

授宣德郎監壽州酒稅三年勒停入黨籍五年叙復

承議郎楊仲良長編紀事本末

羅鼎臣傳

羅鼎臣不詳里貫坐元符上書言多詆譏邪上第五

人降兩官致仕三年入黨籍同上

劉渤傳

祐四

劉渤眉山入熙甯進士初任溫江修建學校元符中

詔求直言九上書辨宣仁太后之誣及司馬光之枉

乞用范純仁蘇轍斥退章惇蔡卞呂惠卿蔡京改提

舉河北路常平崇甯三年坐元符上書言多詆譏降

授承議郎添監綿州酒稅入黨籍四川通志卷百五十一引宋劉甲蜀人

物志參眉州志

王拯傳

王拯崇甯初選人元符上書言多詆譏邪上第三

十七人衝替不得改官三年入黨籍崇甯五年叙復

宣德郎楊仲良長編紀事本末

黃安期傳

黃安期不詳里貫坐元符上書言多譏訕邪上第十
五人降兩官添差監當降授宣德郎監虔州酒稅崇
甯三年入黨籍五年叙復奉議郎

同上

陳師錫傳

陳師錫字伯備建州建陽人游太學有雋聲神宗知
其材廷試擢第三調昭慶軍掌書記郡守蘇軾器之
倚以爲政熙甯中知臨安縣爲監察御史疏言章惇
猶據高位司馬光等贈諡未還墓碑未復祭京爲翰
林學士師錫言京與弟卞同惡而京好大喜功交結

祐四

重

內侍戚里以覲大用若果用之天下治亂自是而分
祖宗基業自是而隳矣改考功郎中師錫抗章曰蔡
京未正典刑願受竄貶于是出知穎廬滑三州坐黨
論監衡州酒稅又削官安置郴州卒師錫始與陳瓘
論京卞時號二陳紹興中贈直龍圖閣事蹟詳宋史
本傳

于肇傳

于肇坐元符末上書言多譏訕衝替不得改官崇甯

二年入黨籍邪上第六人五年吏部注在外差遣

楊仲

良長編紀
事本末

元祐黨人傳卷第五

誥授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級臣陸心源纂

方俟正傳

万俟正崇寧初選人坐元符末應詔上書謗訕崇寧

三年入黨籍五年令吏部注在外合入差遣紹興中

右朝請大夫主管台州崇道觀二十九年提點荆湖

南路公事繫年要錄

許堯輔傳

許堯輔莆田人紹聖元年進士坐元符末上書言多

祐五

詆譏邪上第十二人衝替不得改官三年入黨籍五

年吏部注在外差遣福建通志參紀事本末

楊拙傳

楊拙字持正福建閩縣人元祐六年進士元符初調

渭州推官未赴帥司檄攝長汀縣明年之渭州道由

京師上書論紹聖權奸以元祐為讐貶死故老大臣

成廢后之謀戮上書之士日食葶見饑饉薦臻皆由

於此言甚切直移知建陽縣崇寧三年蔡京專政列

拙入上書邪等籍除名勒停大觀間黨禁解起為建

寧軍節度推官福建通志卷一百七十二

胡良傳

胡良坐元符末上書言多詆譏邪上第十三人衝替

不得改官三年入黨籍五年吏部注在外差遣楊仲良紀

事本末

梅君俞傳

梅君俞坐元符末上書言多詆譏邪上第十六人衝

替不得改官三年入黨籍五年吏部注在外差遣同上

寇宗顏傳

寇宗顏坐元符上書言多詆譏邪上第二十八人衝替

不得改官三年入黨籍五年吏部注在外差遣同上

祐五

二

張居傳

張居寧州真寧縣人舜民族元祐六年進上元符三

年徽宗即位下詔求言居時為黔州彭水令上疏切

直出數百人上而數百人者得其副亦歎以為不可

及崇寧元年坐應詔上書言多詆譏邪上第十六人

衝替不得改官三年入黨籍五年吏部注在外差遣

尋卒以孫瑄登朝贈大中大夫

長編二百二十六參紀事本末陸放翁集張君墓誌

李修傳

李修字季

一入紹聖二年知英德驛撰南山游記刻於石崇寧

元年坐元符末上書言多詆譏邪上第十四人衝替不得改官三年入黨

籍五年吏部注在外差遣政和中豐城縣主簿

細事本才多廣東
洞志南昌府志

逢純熙傳

逢純熙坐元符末應詔上書言多詆譏邪上第二十二

四人衝替不得改官三年入黨籍

紀事本末

高遵恪傳

高遵恪濠州人崇寧初坐元符上書言多詆譏降兩

官致仕三年入黨籍邪上第三十五人

同上

案萃編與高遵裕合爲一考遵裕宋史有傳卒

于哲宗時年六十不得至崇寧時當別爲一人

黃才傳

祐五

三

黃才坐元符末上書言多詆譏邪上第十九人衝替

不得改官三年入黨籍五年吏部注在外差遣

同上

曹盟傳

曹盟坐元符上書言多詆譏邪上第二十一人衝替

不得改官三年入黨籍五年吏部注在外差遣

同上

侯願道傳

侯願道崇寧初選人坐元符上書言多詆譏邪上第

三十八人衝替不得改官三年入黨籍五年令吏部

注在外差遣

同上

周遵道傳

周遵道江西臨川人紹聖四年進士坐元符末應詔上書言多譏訛邪上第三十九人衝替不得改官三年入黨籍五年吏部注在外差遣

長編紀事本末參江西通志

林膚傳

林膚福建福清人祖槩父且宋史皆有傳以父任入仕元符上書邪上第二十二人崇寧三年入黨籍

宋史

參紀事本末

葛輝傳

葛輝坐元符末上書言多詆譏邪上第二十三人衝

替不得改官三年入黨籍

紀事本末

祐五

四

宋壽岳傳

宋壽岳坐元符末上書言多詆譏邪上第三十九人衝替不得改官三年入黨籍五年吏部注在外差遣

同上

王公彥傳

王公彥坐元符末上書言多詆譏邪上第九人衝替不得改官五年吏部注在外差遣紹興初官右承議

郎主管亳州明道宮二年進秩二等

紀事本末參繫年要錄

王交傳

王交崇寧初選人元符上書言多詆譏邪上第二十

五人衝替不得改官三年入黨籍五年吏部注在外
差遣

紀事本末

張溥傳

張溥崇寧初選人坐元符上書言多詆譏邪上第二

十六人衝替不得改官三年入黨籍五年吏部注在

外差遣

同上

許安修傳

許安修崇寧三年坐元符末上書言多詆譏邪上

第四人入黨籍五年於舊資上降兩資收叙紹興中知婺源縣

同上婺州府志

劉吉甫傳

祐五

五

劉吉甫元符中累官承務郎致仕坐元符末應詔上

書言多詆譏降官責遠小處監當崇寧三年入黨籍

邪上第八人

同上

胡潛傳

胡潛崇寧初選人坐元符上書言多詆譏邪上第二

十七人衝替不得改官三年入黨籍五年吏部注在

外差遣

同上

董祥傳

董祥崇寧初選人元符上書言多詆譏邪上第二十

九人衝替不得改官三年入黨籍五年吏部注在外

差遣同上

楊瓌寶傳

楊瓌寶字器之管城人父仲元宋史有傳兄國寶字應之與程伊川友善呂公著外甥也瓌寶元祐中自常調堂除差知咸平縣六年為兩浙轉運判官累官郡守與張文潛相唱和崇寧初坐元符二年上書諂訕邪下降授朝請郎管勾鴻慶宮再降授朝奉郎添差監宿州鹽酒稅三年入黨籍五年敘復朝請郎通鑑長緝參楊仲良長緝紀事本末宋史聞見後錄瓌寶兄弟皆安貧樂道未嘗少屈于人元豐間親喪服除至京師寓程伊川家日

祐五

六

以麤飯一盆菜蔬一盆兄弟分食甘如飴蜜不求于

人伊洛淵源錄

倪直孺傳

倪直孺建德人元豐八年進士元符末累官承議郎崇寧二年坐上書謗訕降授宣德郎添差監南劍州鹽稅五年敘復承議郎浙江通志參紀事本末

蔣津傳

蔣津毘陵人熙寧三年進士元符上書言多詆譏邪上第三十三人衝替不得改官三年入黨籍五年令吏部注合入差遣咸淳毘陵志參紀事本末

王守傳

王守崇寧初選人坐元符上書言多詆譏邪上第三

十二人衝替不得改官三年入黨籍五年令吏部注

在外合入差遣

紀事本末

鄧允中傳

鄧允中崇寧選人崇寧初上書謗訕特衝替永不得

改官三年入黨籍五年吏部注在外差遣

同上

梁俊民傳

梁俊民崇寧選人坐崇寧初上書謗訕特衝替永不

得改官三年入黨籍五年吏部注在外差遣

同上

祐五

七

王陽傳

王陽崇寧初選人元符上書言多詆譏邪上第四十

人衝替不得改官三年入黨籍五年令吏部注在外

差遣

同上

陸表民傳

陸表民崇寧選人坐崇寧初上書謗訕特衝替永不

得改官三年入黨籍五年令吏部注在外合入差遣

同上

葉世英傳

葉世英元符末選人坐崇寧初上書謗訕追奪元授

假承務郎三年入黨籍五年復假承事郎不理選限

同上

張裕傳

張裕崇寧初選人元符上書言多詆譏邪上第三十

六人衝替不得改官三年入黨籍五年令吏部注在

外合入差遣

同

謝潛傳

謝潛字致虛長汀人紹聖四年進士崇寧二年中宏

詞科除瀛州教授坐元符末上封事規切時事邪上

第三人尋赦大觀間知建陽及信州弋陽縣毀淫祠

祐五

八

禁民間溺子邑人生子多以謝名

福建通志卷一百二十七

建炎

初畫歸二聖策以獻進秩二等終奉議郎

繫年要錄

陳唐傳

陳唐坐元符末應詔上書詆譏謗斥得罪宗廟降授

承務郎監華州酒稅務邪上第二十九人三年入黨

籍五年敘復宣德郎

紀事本末

劉經國傳

劉經國崇寧三年已故坐元符三年應詔上書謗訕

入黨籍

同上

湯敏傳

湯餞不詳里貫元祐中官陳州別駕上書請除揚王
爲左僕射元符二年除名送新州編管

李燾長編

司馬康傳

司馬康□字公休光子以韓絳薦爲祕書省校書郎
光薨服除召爲著作佐郎兼侍講康自居喪蔬食寢
于地得腹疾年四十一而卒贈右諫議大夫事迹詳

宋史本傳

宋保國傳

宋保國安陸人父祁宋史有傳保國與王安石友善
臨川集有與保國書累監濟南鎮

仇池筆記

遷大理評事

祐五

九

熙寧八年坐與進士江汝猷毀榜毆守榜軍士降散
官黃州安置彩選格起于唐李邵保國依元豐官制
更定爲彩選格

邵掃編

元祐七年官宣德郎奏請皇太

后行躬詣太廟之禮元符元年迫毀出身以來文字

除名

長編五
百四

尋卒崇寧三年入黨籍

紀事本末

黃隱傳

黃隱字光中初名降字從善治平四年登進士第四
人是歲族父君俞試開封第一回黜禮部隱上書乞
以所得恩命補君俞官君俞遂得召試除撫州司戶
隱知常州府無錫縣以最聞元豐五年入爲監察御史

史裏行時方尙王安石學神宗問隱學術何宗隱以
司馬光對尋遷監察御史八年黃履言隱行誼端方
文學該贍擢殿中侍御史言守右僕射中書侍郎韓
縝不堪大用不報又言京西轉運副使沈希顏多求
羨餘希冀進用非法聚斂一路受弊長編三百五十七又奏
宋用臣挾持恣橫殘民損國乞罷市橋地課又奏福
建產錢福州十二縣共八千餘貫泉漳興化十四縣
共六萬餘貫而福州緣王氏之舊每產錢一當餘州
之十其科納以此爲率餘隨均定兩綱出役錢亦皆
至五倍而其實減半焉昨王子京奏立鹽法不檢會

祐五

十

前項別例遂于元額上增多寡相遠本緣子京之誤
遂爲定額民間應辦已涉七年遠民之寃未易伸述
乞賜體究改正又奏住福建路禁權蠟茶又奏罷京
東西兩路保馬司勾當官又奏宣昭使宋用臣偷盜
官園蓮藕虧償物價累贓不少乞根究長編三百五十七至五十九
九尋遷國子司業取三經新義板火之力排王氏新
說每見生員試卷引用輒斥其說出榜示眾安石死
諸生欲設齋致奠隱輒忿怒將繩以率斂之法爲劉
摯上官均呂陶上章論劾元祐二年八月左遷鴻臚
少卿右正言丁騫論其黨附程頤出知泉州尋改泗

州元符初責授水部員外郎分司南京睦州居住二年詔以託附元祐非毀法度責授平江軍司馬南安軍安置五百崇寧元年再貶管勾靈仙觀入黨籍尋卒靖康初贈直龍圖閣與一子官

通鑑長編入閩通志參萬姓統譜

畢仲游傳

畢仲游字公叔士安子代州人與兄仲衍同登第元祐初爲軍器衛尉丞提點河東刑獄太原銅器名天下獨不市一物懼人以爲矯也且行買二茶匕而去徽宗時歷吏部郎中墮黨籍坎壤散秩而終弟仲愈歷國子監丞諸王府侍講知鳳翔府坐兄仲游陷黨籍例廢黜徽宗曰畢仲游被遇先帝可除罪籍以仲愈爲都官郎中擢祕書少監卒事蹟詳宋史本傳

常安民傳

常安民字希古邛州人年十四入太學王安石稱其文欲見之安民堅不肯往第進士授應天府軍巡判官選成都府教授與安惇同僚嘗偕謁府帥惇輒毀素所厚善者安民退謂惇曰若人不厚于君耶惇曰吾心實惡之姑面交爾安民曰君所謂匿怨而友其人乃李林甫也惇笑曰直道還君富貴輸我安民應曰君處富貴天下事可知我當歸山林豈復與君校

是非耶情深銜之秩滿寓京師妻孫氏與蔡確之妻兄弟也確時爲相安民惡其人絕不相聞元祐初薦擢大理丞紹聖初拜監察御史疏論蔡京內結中官外連朝士一不附己則誣以黨於元祐非先帝法必擠之而後己今在朝之臣京黨過半陛下不可不早覺悟而逐去之是時京之姦始萌芽人多未測獨安民首發之又言今大臣爲紹述之說皆借此名以報復私怨朋附之流遂從而和之章疏前後至數十百上度終不能回遂丐外會布章愔比而排之監滁州酒稅滿三歲通判温州徽宗立提點永興軍路刑獄

祐五

三

蔡京用事入黨籍流落二十年政和末卒建炎四年贈諫議大夫事蹟詳宋史本傳

汪衍傳

汪衍未詳里貫元符元年官朝散郎永康軍通判坐元祐中上書謗訕詆毀先朝編管封州永不收敘崇

寧二年入黨籍

長編參紀
事本末

余爽傳

余爽洪州分寧人字荀龍良胙子與兄卞皆以任子恩試校書郎元祐末極言請太皇太后還政事章愔憾爽不附己乃摘其言爲謗訕以瀛州防禦推官除

名竄封州久之起知明州未行罷監東嶽廟崇寧中與卞俱入黨籍事蹟詳宋史本傳

鄭俠傳

鄭俠字介夫福州福清人父暈嘉祐四年同五經出身監江寧酒稅終通直郎俠甫冠喪母隨父之官讀書於江寧之清涼寺中書舍人王安石以持母喪寓江寧俠攜所業往謁安石大獎之治平四年登進士甲科授秘書省校書郎調光州司法參軍時安石已爲參知政事俠每讞疑獄具案傳奏安石歎爲得情報下悉如所請初俠雅重安石以爲遇時致主太平

祐五

三

可指日而望及爲相行新法多不便於民俠感安石知已欲盡忠以告熙寧五年秩滿移令不赴徑入都見安石問近何所聞對曰新法與邊鄙用兵俠心不能無區區也安石色不懌俠自是不復進謁久之得監安上門稅往辭安石安石曰郤受監門去意殊恚俠也俠在門局安石以春社還由本門法當迎揖道左安石惻然慰勞明日遣其子雱來仍告以欲薦試法意俠固辭如初未幾置修經局安石欲辟俠爲檢討更命從子壻黎東美諭意且言改京官然後可別圖差遣俠毅然曰俠來京求一席地執經丞相門下

耳初不知官資美惡高卑也丞相當軸持論無非以
官爵爲先所以待士者不亦淺乎果欲援俠而成就
之取其所獻利民便物之事一二足矣異日進某未
晚當是時青苗免役市易保甲諸法騷動天下而免
行錢市利錢京師下戶民尤苦之而俠嘗於門下兩
具實封極言諸法爲百姓害安石皆不報至是東美
問所欲言俠復爲書因東美以獻已而詔下小夫稗
販者免充行各門司專攔食錢士減六七餘如故會
大旱自六年七月至七年三月不雨兩河關輔饑民
提攜老幼東南趁熟每風沙霾曠破籠弊甌負戴塞

祐五

古

路羸瘠愁苦膚無完衣或茹木實草根以活都下米
價翔踊民皆買麻粃麥麩合米爲糜而逋負青苗免
役者官督迫益急至有斬桑棗壞室廬賣以償官身
被縲械而揭木負瓦者纍纍俠度安石終不可諫悉
繪爲圖並奏疏詣閣門投進不納乃假稱密急勾馬
遞由銀臺司上之略言臣伏觀去年大蝗秋冬亢旱
今春不雨麥苗焦枯五種不入羣情懼死方春斬伐
渴澤而漁大營官錢小求升米草木魚鼈亦莫生遂
皆由中外之臣輔相陛下不以道以至於此竊惟災
患有可召之道無可試之形所貴乎聖神者爲其能

圖患未然轉禍爲福耳方今之勢猶有可救臣願陛下開倉廩賑貧乏諸有司掎克之政一切罷去庶幾早召和氣上應天心以延天下萬姓垂死之命陛下自卽位以來一有利民便物之政靡不毅然主張行之亦欲人人壽富而躋之堯舜三代之盛夫豈區區充滿府庫盈溢倉廩終以富衍疆土勝天下哉而中外之臣略不推明陛下此心肆其叨憤剗割生民侵肌及骨使之困苦而不聊生陛下所存如彼羣臣所爲如此甚非宗廟社稷之福也臣聞南征北伐者皆以其勝捷之勢山川之形爲圖來獻料無一人以天下

祐五

十五

下之民質妻鬻兒流離逃散斬桑壞舍糴粟輸官違違不給之狀上聞者臣謹以安上門逐日所見繪成爲圖百不及一但經聖明眼目已可咨嗟涕泣而況數千里之外有甚於此者乎如陛下行臣之言十日不雨乞斬臣宣德門外以正欺罔之罪疏入神宗反覆觀圖長吁者數四袖以入是夕寢不能寐明日罷所不使十有八事民閒謹呼相慶又明日下責躬詔求直言越三日大雨遠近沾洽羣臣入賀神宗出俛所進宣示宰執且責之皆再拜謝中外始知所行之由是日有旨放俠擅發馬遞罪安石遂上章求去一

時用事者莫不切齒爭言俠非毀良法狂妄驚御詰
以俠付御史臺推治神宗不許令下開封取勘已而
熙河小捷呂惠卿鄧綰乘間力言陛下數年忘寢廢
食成此美政一旦輕信狂夫之言罷廢殆盡相與環
泣帝前於是新法一切如故矣安石旣出薦惠卿參
知政事俠上言天寶之亂國忠已誅貴妃未戮人謂
賊本尙在今日之事何以異此安石本爲惠卿所誤
仍復遂非以相攀援豈爲宗廟社稷計者且惠卿能
終無背安石耶奏人不報俠復疏論西邊用兵爲不
祥反覆累數千言惠卿輩患俠入文字不已遂取開

祐五

十六

封所勘擅發馬遞事行下刑部定罪罰銅十斤再請
取旨勘停俠以當候郊恩調官居京師數月憤惠卿
等誣罔日甚乃取唐魏徵姚崇宋璟李林甫盧杞傳
爲兩軸題曰正直君子邪曲小人事業圖跡凡在位
臣僚暗合林甫輩而反於崇璟者各以類標題爲書
獻之復奏大臣所對東南有鸞子田以處三路流民
語皆欺誕及禁中有被甲登殿等事而臺諫如芻靈
木偶緘默不言惠卿大怒劾俠謗訕朝政準赦追毀
出身以來文字送汀州編管神宗問惠卿曰俠一小
官耳青苗免役等事容於道路聞之如禁中被甲登

殿者乃君臣面語何聞之速且詳也惠卿對曰俠前
後所言皆韓絳馮京手錄禁中事使王安國持示導
之使言也絳聞之遽辭位而御史知雜張琥復以俠
事劾京京奏俠去未遠乞追回以究虛實遂命奉禮
郎舒亶逮俠付御史臺推鞠初俠罷門局時遇安國
於道安國馬上舉鞭揖之曰賢可謂獨立不懼隨俠
至所居論事俠曰不意丞相爲小人所誤至此安國
曰僕言新法尙不入況左右乎家兄自以爲臣子盡
忠國家不當避四海九州之怨所見固如是耳俠曰
未聞堯舜在上夔契在下而有四海九州之怨者安

祐五

七

國深以爲然京素不識俠見俠數言事嘗對判檢院
丁諷稱之俠每遣門人吳無至詣檢院投匭諷爲無
至言馮參政再三稱獎然京未嘗使安國以禁中事
告俠俠所從得乃聞之內殿崇班楊永芳也惠卿素
與京及絳不合而安國嫉惠卿諂事安石屢諷其兄
不寤故惠卿並中之俠行三日至陳州亶追至惠卿
遣其黨知制誥鄧潤甫與御史同按問令疏所與交
通者並逮獄收繫俠具以實對安國猶不肯承俠責
安國曰凡對制使不當有隱天地神祇宗廟社稷日
月星辰五嶽四瀆之靈皆在左右口所言者安得諱

之平甫居常自負剛直議論何所不道今乃更效小人欲爲詆譏耶安國遂引服獄成惠卿欲置之大辟神宗曰俛所言非爲身也忠誠亦可嘉豈宜深罪改送英州編管俠冒盛寒徒步行妻負幼女驕以從至貶所居破寺中言笑自若未嘗有悴容留英十年英人皆加敬爭遣子弟從學爲之築室以遷焉哲宗立赦復原官歸至里以右司諫蘇轍監察御史孫覺等疏薦除泉州教授元祐八年丁父憂服除授泉州錄事參軍元符初章惇用事再貶英州建中靖國元年以徽宗登極恩復赦還仍爲泉州教授崇寧元年差

祐五

六

監漳州衡嶽廟未被赦爲蔡京所擠列名黨籍追毀前命勒停五年復將仕郎許敘用而俠不復出矣俠還鄉所存惟一拂自號一拂居士性清儉布衣糲食終其身嘗語人曰無功於國無德於民若華衣美食與盜賊何異屢經淪落齟齬無少鞅鞅一話一言不忘君宣和元年卒年七十有九建炎間中書舍人林邁爲請於朝贈俠朝奉郎官其孫嘉正授房州文學遷越州山陰縣尉不數年以朝散郎知建昌軍嘉定六年懷安林復之爲太常寺丞請追諡俠以旌直諫詔禮官集議太常博士上議古有取諡於字之義俠

平生行事合於知死必往執一不遷之法請益以介
制曰可宋史參通鑑長編楊仲良紀事本末
景定建康志西塘集附錄繫年要錄

常立傳

常立字子允游宦紀聞汝陰人父秩宋史有傳立第進士

熙寧初御史謝景温薦其行義召赴闕以疾不就八

年為天平軍節度推官崇文院校書元祐七年為陳

州教授紹聖初累官鄭州觀察支使二年除秘書省

正字尋以蔡卞薦由通直郎為王府說書三年改侍

講既召對卞又薦為諫官曾布白上曰常立附麗章

惇等先帝自處士擢常秩為侍講諫官其死則又手

祐五

十九

詔褒美贈官賻恤無不至者人言立元祐中曾上文

字云其父不悅先朝故事而去外議殊不平之翌日

具以立貢納實錄院常秩事迹聞達秩門人趙冲撰

行狀有云自荆公去位天下官吏陰變新法民受屠

毒又云上下循默敗端內萌莫覺莫悟公獨見幾知

其必敗上甚駭其不遜語章惇曰常立獨厚安石而

詆薄神考卞何為薦之皆錯愕謝罪詔罷諸王府侍

講提舉亳州明道宮葉祖洽以為責薄追還所假通

直郎依舊鄆州觀察支使祖洽復繳詞頭改添蓋監示

州酒稅崇寧元年入黨籍

李壽長編參
紀事本末

程頤傳

程頤字正叔年十八上書欲天子黜世俗之論以王道爲心哲宗初司馬光呂公著疏其行義詔以爲西京國子監教授力辭尋召爲秘書省校書郎久之加直秘閣再上表辭董敦逸摭其有怨望語去官紹聖中削籍竄涪州徽宗卽位徙峽州俄復官又奪於崇寧卒年七十五嘉定十三年賜諡曰正公事蹟詳宋史本傳

唐義問傳

唐義問字士宣江陵人介次子元祐中河北轉運副

祐五

三

使用文彥博薦加集賢殿修撰帥荆南請廢渠陽諸砦進直龍圖閣知廉州章惇秉政治棄渠陽罪貶舒州團練副使後七年復故官知潁昌府卒事蹟詳宋史本傳

余卞傳

余卞洪州分寧人字洪範良肱子五溪蠻叛斷渠陽道卞適使湖北節制諸將伐山開道入渠陽賊遂降有詔廢渠陽軍爲砦紹聖初治棄渠陽罪免歸徽宗卽位復奉議郎管勾玉隆觀未幾復渠陽爲靖州又論前事免終於家崇寧中入黨籍事蹟詳宋史本傳

李格非傳

李格非字文叔濟南人其幼時俊警有司方以詩賦
取士格非獨用意經學著祀說數十萬言遂登進士
第補太學錄紹聖立局編元祐章奏以爲檢討不就
戾執政意通判廣信軍召爲校書郎遷著作佐郎禮
部員外提點京東刑獄以黨籍罷卒事蹟詳宋史本
傳

祐五

三

元祐初格非與京東刑獄以黨籍罷卒事蹟詳宋史本
傳

